

1 Corintios

Pablo Cohãcjũ yequinare Corinto cjẽnare ojoa ohoahye

¹⁻² Yũhũ Pablo, Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu tiquiro cũacjũre beseahye yũhũre tiquiro. Mũsare Cohãcjũ yequinare Corinto cjãnare ojoa ohoaja yũhũ. Sostene mehna quehnoa dutiaja mũsare. Ahriquiro gũhũ mari acayũro Jesu yaquiro ijire. Jesucristo mehna cjãna mũsa ijigũ Cohãcjũ yequina ijiana beseahye Jesu mũsare. Sa ye ijipihtiyequina apequina mari pũhtoro Jesucristore siniñequina ijiye, tiquina gũhũ Cohãcjũ yequinata ijire. Tiquina sa ijigũ Jesucristo pehe mari ijipihina pũhtoro ijire. Sa yena mũsare ijipihinare ojoa ohoaja yũhũ. ³ Sa yena Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Jesucristo pehe mũsare quehnoano ye basahye mari Pacũ tiquirore dutiro sahata

⁴ Jesucristo yequina mũsa ijiri bato tiquiro pehe mũsare quehnoano ye basare Cohãcjũre. Tiquiro sa yegũ ihñagũ, Cohãcjũre “Quehnoare”, niducuaaja yũhũ decoripe. ⁵ Cristo yequina mũsa ijigũ ihñano Cohãcjũ pehe mũsare quehnoano ijigũ yere. Sa yero tiquiro yere mũsare apequinare quehnoano yahuanare yeri tiquiro. Sa yero tiquiro yere quehnoano masigũ yeri mũsare.

⁶ Cristo yere m̄sare ʉsã buheriro sahata sata wahari m̄sare, Cristo yequina m̄sa wahagũ. ⁷ Sa yero Cohãcjũ m̄sare quehnoano yedoho peho cãnota. Mari p̄htoro Jesucristo ahri yehp̄m̄ tiquiro tojoa tatire m̄sa cohtero watoa Cohãcjũ pehe m̄sare sa yedohoducurota. ⁸ Sa yero Jesucristo pehe m̄sa ñaÑe yerire cohãriquiri ijire. Tiquiro sa ijiriquiro ijigũ m̄sa pehe decoripe, ahri deco pihtiḡp̄m̄ gũh̄re m̄sa ñaÑe yerire tiquiro cohãnohrina ijiducunata. Sata tiquiro m̄sare yedohorota. Sa yena Jesucristo mari p̄htoro tiquiro tojoa taḡp̄m̄re ñaÑe buhiri mariena ijinata m̄sa. ⁹ Tire Cohãcjũ tiquiro nidiro sahata tiquiro yere. Tiquiro mac̄no mari p̄htoro Jesucristo yequina ijianare marine beseahye. Tiquiro sa besenohrinare Jesu yequina ijigũ yeri marine.

Jesu yequina Corinto cjẽna cahmecoañe cahme tuhtiahye

¹⁰ Ȳh̄m̄ acaye, mari p̄htoro Jesucristo tiquiro dutiro mehna m̄sare tutuaro dutiḡm̄ taḡm̄ niaja ahrire: M̄sa basi cahme tuhtieracãh̄ña. Sa yena m̄sa basi cahme tu waeracãh̄ña. Ihcã curuata ijiya m̄sa. Sa yena sijoro saha ni yahuducueracãh̄ña m̄sa basi. Sa yena m̄sa yeatire tahotuna, ihcãno mehna yeya m̄sa.

¹¹ Ȳh̄m̄ acaye, m̄sa basi cahme tuhtina niñohti m̄sa. Sa ni yahuri Cloe ya w̄h̄m̄ cjẽna ȳh̄re. ¹² Ihquẽquina m̄sa mehna cjẽna ohõ saha ni cahme tuhtiñohti: “Pablo ya curua cjãna ijiaja ʉsã”, ni cahme tuhtiñohti ihquẽquina m̄sa. Sa ye apeq̄quina “Apolo ya curua cjãna ijiaja ʉsã”, niñohti tiquina gũh̄m̄. Sa ye apeq̄quina pehe “Pedro ya

curua cjãna ijiaja usã”, niñohti tiquina gũhũ. Sa ye apequina pehe “Cristo ya curua cjãna ijiaja usã”, niñohti tiquina gũhũ. ¹³ Mũsa sa niepegũta Cristo yequina ihcã curuata ijiaja mari. Mari basi cahme tu wa doco masiedaja mari. Ihcã curuata ijiaja mari. Yũhũ Cristo ijieraja. Tiquiro yero saha mũsa ye buhirire curusapũ yariarigũ ijierũ. Tutuayere cũoeraja. Sa yegũ ihyo ijigũ ijiaja. Sa yero mũsare apequiro wame yero, Cristo ye tutuaye mehna wame yeri. Yee tutuaye mehna wame yerari. ¹⁴ Mũsare, mũsa mehna cjẽna gũhũre wame yerũ yũhũ. Crispore, Gayo gũhũre tiquina dihítare wame yei. Apequina pehere wame yerarigũ yũhũ ijigũ quehnoare yũhũre. ¹⁵ Peyequina masare wame yerigũ yũhũ ijigũ “Pablo ye tutuaye mehna tiquiro wame yeri usãre”, ni ihñaboaga mũsa yũhũre. Sa yegũ tire cahmedũ. ¹⁶ Estefana ya wũhũ cjẽna gũhũre wame yei yũhũ. Topequinata wame yei yũhũ. Apequinare yũhũ wame yeriquinare boaa wahaũ yũhũ. ¹⁷ Cristo yũhũre ohoro, wame yeacjũre cũedari tiquiro yũhũre. Quehnoañe buheyere buheacjũ pehere cũri yũhũre. Cristo curusapũ tiquiro yariarire yahuye buheye marine quehnoana wahagũ yere. Tiquiro sa yepegũta quehnoañe buheyere yũhũ esa tuharo yũhũ buhegũ yũhũ pehere ihña wahãboaga mũsa. Mũsa sa ihña wahãna quehnoañe buheye pehere ño peoeraboaga mũsa. Sa yena quehnoana wahaeraboaga. Sa yegũ Jesu ye buheyere buhegũ yũhũ esa tuharo yũhũ masiñe mehna buheraja yũhũ.

Cohãcjũ tiquiro tutuayere tiquiro masiñe gũhũre

caoriquiro ijire Cristo

18 Pecapɛ butiatiquina pehe Cristo curusapɛ tiquiro yariarire yahuye buheyere “Tɔho masieñequina ye buheye ijire ti”, nimene butiatiquina pehe. Mari pehe Cristo tiquiro yɔhdɔonohatina ijina ohō saha niaja: “Curusapɛ tiquiro yariarire yahuye buheye ti waro ijiro nine. Ti buheye Cohãcjũ tiquiro tutuayere yahure marine”, niaja mari. 19 Cohãcjũ pehe tiquiro yere tiquina ojoari pũpɛ ohō saha nine:

Ahri yehpa cjɛnare “Quehnoano masieñequina ijire”, tiquina niñequinare tiquina masidire dɔhseati ijieragũ masigũ yeitja yɔhɔ, niahye Cohãcjũ tiquiro yere tiquina ojoari pũpɛ.

20 Sa ye ahri yehpa cjɛna quehnoano masieñequina dɔhseati tiquina ijierare. Ʋsã acaye judio masare buheyequina gũhɔ dɔhseati tiquina ijierare. Yojobɔre yahuducu mihniñequina gũhɔ dɔhseati tiquina ijierare. Ahri yehpa cjɛna quehnoano masieñequina tiquina ijiepegũta masieñequina tiquina ijiyere masigũ yerĩ Cohãcjũ.

21 Cohãcjũ pũrita quehnoano masiniquiro ijire. Tiquiro sa ijigũ ahri yehpa cjɛna tiquina esa tuharo tiquina masieñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohō saha nine quehnoañe buheye warore: “Tɔho masieñequina ye buheye ijire”, nimene. Sa yeye quehnoañe buheyere “Tɔho masieñe buheye”, tiquina niñe buheyere tɔhoye, Cristore masi dɔcare masa. Tiquina sa masi dɔcagũ Cristore tiquina wacũ tutuagũ ihñano tiquinare tiquiro

yequina wahagũ yere Cohãcjũ. Sa waha dutiri tiqiro.

²² Judio masa Cohãcjũ tutuaye mehna tiqiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. ²³ Mari pehe Cristo curusapũ tiqiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture. ²⁴ Tiquina sa ni tũhotuepegũta Cohãcjũ yequina ijiatire tiqiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiqiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepetã, sa nine Jesu yequina.

²⁵ Cohãcjũ masi pehoriqiro ijire. “Tiqiro tũho masieniqiro ijire”, masa tiquina ni tũhotuepegũta ahri yehpa cjẽna yũhdũoro quehnoano masi pehoriqiro ijire tiqiro. Sa yero Cohãcjũre “Tutueriqiro ijire”, masa tiquina ni tũhotuepegũta tiquina bui tutua yũhdũũcariqiro ijire tiqiro. ²⁶ Ti yũhũ nidi ijirota ijire.

Yũhũ acaye, Cohãcjũ mũsare tiqiro yequina wahagũ tiqiro yegũ mũsa peyequina ihyo ijina mũsa ijirire wacũña mũsa. Ahri yehpa cjẽnare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero pũhtoa gũhũre meheñequinagã Jesu yequina ijiatiquinare beseahye tiqiro. Sa yero pũhtoa pohne gũhũre

meheñequinagã Jesu yequina ijiatiquinare beseahye tiquiro. ²⁷ “Tũho masieñequina ijire”, tiquina niñequinare Cohãcjũ beseahye “Quehnoano masieñequina ijire”, tiquina niñequina tiquina bũoro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina bũoro wahatire. ²⁸ Masa tiquina ihña tuhtieyquinare “Dũhseatiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “Pũhtoa waro ijire”, tiquina niñequinare ihyo ijiyequina tiquina ijiyere masigũ yehye Cohãcjũ tiquinare. ²⁹ Tiquiro sa yegũ ahri yehpa cjẽna ne ihcãquiro “Tutuagũ, quehnoano masigũ ijiaja”, ne ni yũhdũdũca masiedare, Cohãcjũ ihñonopũ.

³⁰ Cohãcjũ pehe marine Jesu yequina ijigũ yeri. Tiquiro yequina ijina marine tiquiro yũhdũori bato ijipihtie decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñañe buhirire cohãre. Sa yero mari ñañe yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero marine pecarũ wahaborinare yũhdũore. ³¹ Tiquiro sa yegũ Cohãcjũ yere tiquina ojoari pũrũ tiquiro ni ojoariro sahata sa wahare: “ ‘Yũhũ esa tuharo masi pehogũ ijiaja’, nidiquiro tire niedacãhdo. Ohõ saha niahdo: ‘Mari pũhoro Cristo pehe marine yũhdũoriquiro ijire’, niahdo tiquiro”, nine Cohãcjũ yere tiquina ojoari pũrũ.

2

Ahri buheye Cristo curusap̄u tiqiro yariarire yahure

¹ Ȳh̄h̄ acaye, m̄sa cahap̄u esaḡu “Quehnoano masi pehoaja”, m̄sare ni buher̄u. Coh̄ãcjũ yere m̄sare buheḡu, sa ni buheḡu nied̄u. ² “Ohõ saha ni buheitja”, niḡu m̄sa mehna ijiḡu Jesucristo ye dihitare curusap̄u tiqiro yariari dihitare wacũḡu, ti buheyere buhei ȳh̄h̄. ³ Sa yeḡu m̄sa mehna ijiḡu ihyo ijiḡu yero saha ijii ȳh̄h̄. Sa yeḡu Coh̄ãcjũ yere queoro buhe duaḡu ijiḡu cueḡu, nanarediḡu yero saha ijii ȳh̄h̄. ⁴ Sa yeḡu Coh̄ãcjũ yere buheḡu, “Masi pehoaja”, ni buher̄u. Tiquiro yere ȳh̄h̄ buheḡũ Esp̄iritu Santo tutuaye mehna ȳh̄h̄ buheḡũ ihñari m̄sa. ⁵ Ohõ sahata ni buhei ȳh̄h̄ m̄sare masa tiquina esa tuharo buheye pehere m̄sa cahmedatire. Coh̄ãcjũ pehere m̄sa wacũ tuatire sa ni buhei ȳh̄h̄.

Esp̄iritu Santo pehe Coh̄ãcjũ ijiye tiyere buhere marine

⁶ Sa yena Coh̄ãcjũ ye buheyere tiqiro masiñene m̄sare Jesure quehnoano wacũ tutuanap̄ure yahuaja us̄ã. Masa tiquina esa tuharo tiquina buheye yero saha ijierare ahri m̄sare us̄ã buheye. Ti buheye puhto ya buheye ḡuh̄u ijierare. Tiquina puhto pehe pihtia wahaeta. ⁷ Apequina tiquina masiedarire Coh̄ãcjũ ye yahuducuyere yahuaja us̄ã pehe. Panop̄u ahri buheyere Coh̄ãcjũ yequina m̄na quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Coh̄ãcjũ. Marine pecap̄u wahaborinare tiqiro ȳh̄h̄oatire, tiqiro

mehna mari ijiati gũhure “Sata wahaahro”, ni tuhasae tiahye tiqiro. ⁸Tiqiro sa nigũ Cohãcjũre cahmeeñequina pũtoa ne tiqiro ye buheyere tũho dueraye, masiedare. Tire quehnoano masiñe, mari pũtorore Cohãcjũ macũno warore curusapũ quẽ biha wejẽdaboaya tiquina. ⁹Cohãcjũ yere tiquina ojoari pũpũ ohõ saha nine:

Ijipihtiyequina Cohãcjũre cahĩñequina ye ijiatire Cohãcjũ quehnoano quehno basa tuhasahye. Quehnoa yũhdũyere tiqiro quehno basahye. Tire masa ne ihñedari. Sa ye tire ne tũhoerari. Tire dũhse masino basioerare marine, nine Cohãcjũ yere tiquina ojoari pũpũ.

¹⁰Tiqiro sa niepegũta Espĩritu Santo pehe Cohãcjũ yere masigũ yere marine. Ijipihtiye Cohãcjũ yere Espĩritu Santo masi pehore. Sa masino tiqiro marine tire masigũ yere.

¹¹Ne apequina pehe masũno tiqiro masiñene ne masiedare. Sa ijiepegũta masũno pehe tiqiro esa tuharo tiqiro wacũñepũ tiqiro tũhotuyere masine. Sata apequina Cohãcjũ tiqiro masiñene ne masiedare. Cohãcjũ yaqiro Espĩritu Santo di-hita tiqiro masiñene masine, masũno tiqiro esa tuharo tiqiro wacũñene tiqiro masino sahata.

¹²Sa yena mari pehe Jesu yequina ijina masa tiquina esa tuharo tiquina buheyere cũoeraja. Cohãcjũ yaqiro Espĩritu Santore ohori marine masigũ yero taro. Marine tiqiro quehnoano yeatire masigũ yere Espĩritu Santo pehe. ¹³Sa yena Cohãcjũ yere mũsare buhena, masa ye masiñe mehna usã esa tuharo buheraja usã. Espĩritu Santo tiqiro buheye pehere mũsare buheaja.

Sa buhena Espíritu Santore c̄oyequinare Cohãcjũ yere quehnoano buheaja usã.

¹⁴ Espíritu Santore c̄oyequina pehe Espíritu Santo yere ne cahmedare. “Tiquiro ye ihyo warota ijire”, nimene tiquina. Espíritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espíritu Santo yedohoro mehna tiquiro yere masiaja mari. ¹⁵ Espíritu Santore c̄oyequina pehe Cohãcjũ yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espíritu Santore c̄oyequinare. ¹⁶ Ohõ saha nine Cohãcjũ yere tiquina ojoari p̄p̄: “Mari p̄h̄toro Cristo tiquiro t̄hotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari p̄p̄. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcjũre dahra cohteyequina ijire

¹⁻² Ȳh̄h̄ acaye, m̄sare buheḡh̄ Espíritu Santore quehnoano ȳhtiyequinare ȳh̄h̄ buheriro sahata buhe masied̄h̄ m̄sa pehere. Cristo yequina ijiepenata, macanagã dihire tiquina ihyā masieno saha Cohãcjũ yere quehnoano masiedare m̄sa. Yojop̄h̄ ḡh̄h̄re quehnoano masiedañohti m̄sa. Ahri yehpa cjẽna ñañequina yero saha t̄hotuñohti m̄sa. Sa yena macanagã ep̄core tiquina ap̄no saha mijoeda cjũñe buheye dihitare t̄hoñohti

musa. Sa yegu ti yero saha ijiye buheye dihitare buhei musare. Cristo yequina ijiepenata macanagã tiquina ihya masieno sahata Cristo yere quehnoano masiedañohti musa. ³ Musa pehe musa mehna cjēnare cahme coona, cahmequena, musa basi ihquē cururi tu waduca sana, Espiritu Santore caoyequina yero saha yena niñohti musa. Sa yena ahri yehpa cjēna Cristore cahmeeñequina yero saha yeñohti musa. ⁴ Ohō saha niñohti musa: “Pablo ya curua cjāna ijiaja usã”, niñohti musa ihquēquina. Sa yena apequina musa mehna cjēna pehe “Apolo ya curua cjāna ijiaja usã”, niñohti. Musa sa ni yahuducuna Espiritu Santo marieñequina yero saha ni yahuducuñohti musa.

⁵ ¿Yuhū Pablo, Apolo mehna dūhseanaja ijiajari usã, musa tūhotugū? Ohō saha yeanaja ijina niaja usã: Cohācjū tiquiro dutiriro sahata tiquirore dahra cohtena ihyo ijina ijiaja usã. Sa yena musare usã buhegū tūhona Jesucristore wacū tutua dūcare musa. ⁶ Quehnoañe buheyere buheyequina wesepū dahrayequina yero saha ijire, mari queoye mehna buhegū. Wese upūro tiquiro ote mūhtariro saha yuhū gāhū musare buhe mūhtaū. Sa yero apequiro wesere tiquiro cure nūnū tāno saha Apolo pehe yuhū bato musare buhe nūnū tārī. Usã sa buhepegūta wese cjē oteyere būcūa nemogū tiquiro yeriro saha Cohācjū pehe musare tiquiro yere masi nemogū yeri. ⁷ Sa yegu yuhū buhe mūhtarigū ijiepegūta ihyo ijigū ijiaja. Sa yero Apolo yuhū bato buhe nemoriquiro gāhū ihyo ijiriquirota ijire. Cohācjū pūrīta oteyere tiquiro būcūa nemogū yeriro saha

tiqairo yequinare tiqairore masi nemogũ yere. Sa yena Cohãcjũ pehere ño peoro cahmene m̄sare. ⁸ Ote mahtariqairo, came cure n̄n̄n̄ tãriqairo ihcãno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatare tiquina. Sata ijiãja ʘsã, Apolo mehna. ⁹ Sa yena ʘsã Cohãcjũ yere dahra cohtena ijiãja. Sa yero Apolo ȳh̄h̄ mehna cjũno ijire. ʘsã sa ijigũ m̄sa pehe Cohãcjũ ya wese yero saha ijire. M̄sa sa ijigũ Cohãcjũ ya wese cjẽ oteyere tiqairo buca nemogũ yero saha m̄sare tiqairo yere masi nemogũ yerota tiqairo.

Sa ye Cohãcjũ m̄sare tiqairo yequinare quehnoari curua yero nine. Sa yena ʘtã mehna tiquina yeri w̄h̄h̄ yero saha ijire m̄sa tiqairo ya curua cjãna, mari queoye mehna buhegũ. ¹⁰ M̄sa sa ijigũ Cohãcjũ ȳh̄h̄re tiqairo dutiriro sahata ȳh̄h̄ pehe w̄h̄h̄ dahre mihnidiquiro ʘtãre tiqairo cũ mahtariro sahata Jesucristo yere m̄sare buhe mahta. Sa yero ti ʘtã paca bui apeqairo tiqairo ye nemo m̄jano sahata apeqairo ȳh̄h̄ bato buhe nemo n̄n̄n̄ tãno nine. Sa buhe nemono quehnoano mehna buherota. Sa yero Cristo ye dihitare buherota tiqairo. Sata bueahro tiqairo. ¹¹ W̄h̄h̄re tiquina dahre d̄ca tiquina cũ mahtaria ʘtã yero saha ijire Cristo. Sa yena ti ʘtãre ʘsã quehnoano cũ mahtariro saha Cristo yere buhe tuhasa. Apeqairo ye buheye pehere mari buhegũ quehnoaedaga.

¹²⁻¹⁵ Uru mehna, plata mehna, wapa buj̄ye ʘtã paca mehna mari yeri w̄h̄h̄re mari ʘj̄ã tuhugũ ʘj̄edare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire

ujãa tuhuriro saha yerota mari yerire masino taro. Sa tiquiro yegã quehnoano yeri wãhũ ujãedariro saha mari yerire ti quehnoañe ijigã masinota. Sa yero mari quehnoano yerina mari ijigã masigã yerota tiquiro. Quehnoano mari yeri wapa quehnoano yerota marine.

Sa yero yucãri mehna, taa mehna, ñaidi pũri mehna mari yeri wãhũre mari ujãa tuhugã ujãa wahare. Sata Jesucristo yere mari quehnoano yerari bato pihtiri deco ijigã, Cohãcjã mari yerire ujãa tuhuro yero saha yerota mari yerire masino taro. Sata tiquiro yegã ñano yeri wãhũ ti wãhũ ujãriro saha mari yerire ñañe ijigã masinota. Sa yero mari quehnoano yerari bato ijigã marine masigã yerota tiquiro. Sa yero quehnoano yerarina mari ijigã ihñano quehnoañene mari yemedi wapare quehnoano yesi marine. Sa ijiyequinare Cohãcjũ yũhdũorota. Sa ye sa quehnoano yerariquina mehenogã mehna yũhdũeta.

¹⁶ Mũsa pehe Jesu yequina Cohãcjũ ya wãhũ yero saha ijire. Mũsa sa ijigã ihñano ti wãhũpũ tiquiro ijiboro saha Espiritu Santo pehe mũsa mehna ijire. ¿Tire masiedajari mũsa? ¹⁷ Cohãcjũ ya wãhũ ñañe marieni wãhũ ijire. Sa yena mũsa gũhũ ti wãhũ yero saha ijina tiquiro yequina waro ijire. Sa yero Jesu yequinare ihcãquiro dojomehnegũ Cohãcjũ pecapũ cohãnota tiquiro pehere.

¹⁸ Ni mehoñene tũhotueracãhña mũsa. “Yojopũ cjẽna ye masiñene quehnoano masiaja”, ni tũhoturiquiro mũsa mehna cjãno ijiro Jesu ye pehere quehnoano masiahdo. Tiquiro sa masigã ihñañe apequina tiquirore “Tũho masieniquiro

ijire”, nieta. Sa yero Jesu yere masino, potota quehnoano masidiquiro waharota. ¹⁹ Masa esa tuharo tiquina basi tiquina masiñene “Ihyo warota ijire”, ni t̄hoture Cohãcjũ. Sata nine Cohãcjũ yere tiquina ojoari p̄p̄: “Tiquina esa tuharo masiñequina tiquina masiñe d̄hseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari p̄p̄. ²⁰ Sa ye ape p̄p̄ ohõ saha nine: “Masa tiquina esa tuharo masi pehoyequina tiquina t̄hotuye d̄hseati ijieragũ masine mari p̄hthoro Cohãcjũ pehe”, nine Cohãcjũ yere tiquina ojoari p̄p̄.

²¹⁻²² Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Usã ijipihtina m̄sa yequina dihita ijiaja. Ijipihtiyē m̄sa ye ijire. Cohãcjũ tiquiro bajumehnedire, catiye ḡh̄re ohori m̄sare. Sa yero pecap̄ wahaeragũ yerota m̄sare. Yojop̄ ijiyere, camer̄ ijiahi ḡh̄re m̄sare ohorota. Sa ye ijipihtiyē m̄sa ye ijire. ²³ Sa yena m̄sa pehe Cristo yequina ijire. Sa yero Cristo pehe Cohãcjũ yaquiro ijire.

4

Cristo tiquiro yere buhe duti tiquiro c̄riquina tiquina dahrayere yahuahye Pablo

¹ Ohõ saha ni t̄hotuya m̄sa ȳh̄re Apolo ḡh̄re: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buhēyēquina ijire”, ni, t̄hotuya m̄sa usãre.

² Dahra cohteyequinare tiquina p̄h̄toro tiquiro dutiriro saha ye cohtero cahmene tiquinare. Ȳh̄h̄ ḡh̄h̄re sata yero cahmene Cristore. ³ Sa ijiepeḡta ȳh̄h̄re m̄sa yahu wajaep̄ḡta sa t̄hotu c̄j̄a ȳh̄h̄. Apequina p̄h̄toa ȳh̄h̄re tiquina yahu wajaep̄ḡta sa t̄hotu c̄j̄a ȳh̄h̄. Ȳh̄h̄ yerire ih̄ñana “Ahri quehnoañe ijire. Ahri ñañe ijire”, ni masiedare m̄sa. Ȳh̄h̄ ḡh̄h̄ mas̄ta ijiaja. Sa yeḡh̄ ȳh̄h̄ yerire quehnoano masi pehoeraja ȳh̄h̄ ḡh̄h̄. ⁴ “Cristo yere ȳh̄h̄ ȳh̄d̄h̄d̄h̄cari ȳh̄h̄re mariedare”, ni t̄hotumaja ȳh̄h̄. Ȳh̄h̄ oh̄o saha ni t̄hotuepeḡta buhiri tiboaga ȳh̄h̄. Mari p̄h̄toro Cristo dih̄ita ȳh̄h̄ yerire ih̄ñano, quehnoano masine. ⁵ Sa yena mari p̄h̄toro tiquiro tojoa tato pano masare ñano ni yahu wajaerac̄h̄ña m̄sa. Tiquiro tojoa taro masa tiquina yerire, panop̄h̄ apequina tiquina masiedarire Cristo masiḡh̄ yerota. Sa yero mari ye duayere, mari t̄hotuyere tiquiro masiḡh̄ yerota. Sa yero tiquiro yere yeriquinare “M̄sa quehnoano yeri”, ninota Coh̄c̄j̄.

⁶ Ȳh̄h̄ acaye, ȳh̄h̄ Apolo mehna us̄ã buherire yahuu ȳh̄h̄, m̄sare buheḡh̄ taḡh̄. Sa ni yahuu ȳh̄h̄ Coh̄c̄j̄ tiquiro yere tiquina ojoari p̄r̄h̄ tiquiro nidiro sahata m̄sa yeducuatire. Sa yena m̄sa mehna c̄j̄enare ih̄c̄no saha cahme ño peoya. Ih̄c̄quiroreta ño peoerac̄h̄ña. ⁷ M̄sa pehe apequina ȳh̄d̄h̄oro quehnoana ijierare. Masi ȳh̄d̄h̄c̄ana ijierare m̄sa. Coh̄c̄j̄ m̄sare tiquiro oh̄ori dih̄itare c̄h̄ore m̄sa. Sa yena m̄sare tiquiro yahuri dih̄itare masine m̄sa. ¿M̄sa esa tuharo c̄h̄ona, m̄sa esa tuharo masina ijierap̄nata, d̄h̄se yena “Masi pehona ijiaja”, niajari

musa? Sa nina “Cohãcjũ usãre ohoerari. Sa yero usãre yahuerari”, niboriro saha yere musa.

⁸ Musa pehe “Cohãcjũ yere masi pehoaja usã. Usãre yabe boro duhsaerare”, nimene musa. Sa yena musa cahapũ usã ijieragũ musa ohõ saha ni tãhotumene: “Pũhtoa yero saha masina iji-aja usã”, ni tãhotumene musa. Potota Cohãcjũre masi pehona pũhtoa yero saha masina musa ijigũ musare quehnoa yũhdũaboaga. Musa sa ijigũ musa mehna usã gãhũ pũhtoa yero saha masina iji-boaga. “Masina ijiaja usã”, ni tãhotuna, quehnoa yũhdũaro ni tãhotumene musa. ⁹ Ohõ saha ni tãhotuaja yũhũ pũrita: Usãre Jesu tiquiro yere buhe dutiro cũno, ijipihtiyequina iji bato tiri cjã curua cũri usãre. Tiquina wejẽ dutinohriquina yero saha ijianare cũri usãre. Masa tiquina cahacjẽna yero saha ijiaja usã. Ahri yehpa cjẽna masa, angele gãhũ cahacjẽna yero saha ihñare usãre. ¹⁰ Cristo yere usã buhegũ ihñañe “Tũho masieñequina ijire”, nine masa usãre. Sa Cristo yere usã yegũ ihñañe, usãre ihña tuhtire. Musa pehe quehnoa yũhdũaro Cristo yere masina ijiajari musa. “Cohãcjũre wacũ tutueyequina ijire”, ni tãhotumene masa usãre. Musa pehe quehnoa yũhdũaro wacũ tutua yũhdũana ijiajari. Musa pehere masa ño peore. Usã pehere masa ne ño peoerare. ¹¹ Usã pehe yojopũre ñano yũhdũna, ujuã ahbana, aco wũona, ñano suhti mariena, wũhũse mariena ijiaja. Sa ye apequina usãre ño peoera, usãre ñano yere. ¹² Sa yena usã tutuaro dahraja. Sa yena apequina usãre tiquina ñano yahuducuepegũta usã pehe tiquinare “Quehnoano ijiya”, niaja usã. Sa yena apequina usãre ñano tiquina yepegũta sa tãhotu cjã usã.

13 Sa yena “Ñano yeyequina ijire”, usãre tiquina niepegũta usã pehe quehnoano mehna tiquinare yũhtiaja. Sa ye panopũ, yojopũ gũhare ñaŋe wete yero saha masape cururi iji bato tiri curua cjẽna yero saha ihñare masa usãre.

14-15 Mũsare quehnoañe buheyere buhe mũhtagũ mũsa pacũ yero saha wahaũ yũhũ. Peyequina mũsare Cristo yere buheyequina tiquina ijiepegũta mũsare buhe mũhtarigũ ihcãta ijiaja yũhũ. Sa ijigũ mũsare bue tigũ yegũ tagũ ahrire ojoagũ niedũ yũhũ. Yũhũ pohñare, yũhũ cahñare yũhũ dutiboriro saha mũsare quehnoano mehna dutigũ tagũ ahrire ojoaũ yũhũ. 16 Sa yegũ ahrire mũsare tutuaro mehna dutigũ tagũ niaja yũhũ. Yũhare ihña cuña mũsa.

17 Ahrire ye dutigũ tagũ mũsa cahapũ Timoteore ohou. Tiquireo yũhũ macũ yero saha ijiriquireo yũhũ cahñiquireo mari pũhtoro Jesu yaquireo ijire. Sa yero Cristo yere yeducure tiquireo. Cristo yere mari yeatire ijipihtiyequina Jesu yequina cahapũ buhei yũhũ. Timoteo tire mũsare wacũducugũ yerota. Sa yegũ Cristo yere yũhũ yeriro sahata mũsa ihña cũato saha Timoteore ohou yũhũ.

18 Timoteore yũhũ ohogũ ihquẽquina mũsa mehna cjẽna pũhtoa iji duayequina ohõ saha nine: “Pablo marine cuero, mari cahapũ ahtasi”, ni tũhotumene tiquina. 19 Cohãcjũ cahmegũ mũsa cahapũ mianogãta esaũtja. Sa esagũ pũhtoa iji duayequinare mũsa mehna cjẽnare Cohãcjũ ye tutuayere tiquina cũogũ masigũtja yũhũ. Sa yegũ tiquina sa ni maca cãri gũhare masigũtja yũhũ. 20 “Cohãcjũ usã pũhtoro ijire”, mari ni yahuepegũta tiquireo yere mari yeragũ ti mari

niñe duhseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare. ²¹ ¿Musa cahapm musare buhiri dahreacjm musare tuhtiacjm yhm wahagũ cahmeajari musa yuhure? ¿O musare cahĩgm musare bucuegm yhm wahagũ cahmeajari musa yuhure? ¿Duhse ijigm yhm wahagũ cahmeajari musa?

5

Corinto cjẽna tiquina wmana tirire yahuahye Pablo

¹ Potota ohõ saha quitu tire usãre apequina: Ihcãquiro musa mehna cjũno tiquiro mnonore wmana tiñohti. Sa ni yahuri masa usãre. Apequina pehe Cohãcjũre cahmeeñequina ijiepetu tiquina pehe sa yerare. ² Musa mehna cjũno tiquiro sa yepegũta musa pehe “Quehnoana ijiaja usã”, ni tuhutumene. ¿Duhse yena tiquiro ñano yeyere masiepenata bujma witierajari musa? Sa yena sa ñano yeriquirore musa mehna Jesu yequina mehna ijiriquirore cohãña musa. ³⁻⁴ Yhm musa mehna ijierapeguta yhm wacũñerpm musa mehnata ijiaja yhm. Sa yegm musa mehna ijigm yhm niboriro saha ñano yeriquirore tiquiro sa ñano yeri buhiri buhiri dahre duti tuhasaja yhm. Jesu tiquiro dutiro mehnata sa ye dutiaja. Sa yena musa cahmecoana yhm wacũñe mehnapm musa mehna yhm ijigm mari pũhtoro Jesu tiquiro tutuaye mehna tiquirore ñano yeriquirore cohãna, ohõ saha niña: ⁵ “Watĩno tiquiro cahmeno saha mahure yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. Musa sa cohãgm tiquiro ñano

yuhdurota. Mari puhtoro Jesu tiquiro tojoa tati deco ñano yeriquiro Jesu mehna tiquiro quehnoano yuhduatire yojopare tiquirore sa niña.

⁶ “Quehnoana ijiaja usã”, niepenata ñano yena niaga musa. Ñano yeriquirore musa sa ihña cãna, ti ñañene musa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe musare piharo quehnoano sehsaa waha-rota. ¿Tire masiedajari musa? ⁷ Yuhũ acaye judio masa pascua ijigũ ovejare wejẽ, ujãa muo, Cohãcjũre ño peore. Sata oveja tiquiro yari-ariro saha Cristo mari ñañe buhirire yariaa waha-haye. Tiquiro sa wahirire masina musa pehe ñano yeriquirore musa mehna cjũnore cohãña ti ñañe musare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. ⁸ Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pascua bose decopũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijiihna mari. Panopũ mari ñañene yeriro saha yeracãhna. Sa yena potota quehnoano tuhotuye mehna, quehnoañene yei-hna.

⁹ Musare yuhũ ojoari pũpare Jesu yaquiro tiquiro ijiepegũta sa wãana tiducuriquirore ne piti ti dutierami. ¹⁰ Sa nigũ wãana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”,

niedaja. Ahri yehpapu sa ijiyequina marieno Jesure cahmeeñequina marieno mari dihita iji masiedaja. Ijipihtiropure ijire tiquina pehe. ¹¹ Sa yegu musare ojoagu ohō saha dutimi: Musa mehna cjāno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohācjū ijire”, tiquina niñe queoyere ño peoriquiro, ñano quti yeducuriquiro, queheriquiro, yaqueriquiro tiquiro ijigū tiquirore piti tieracāhña. Sa yeriquiro “Jesu yaquiro ijiaja”, nidiquiro ijigū tiquirore piti tieracāhña. Sa yena sa yeriquiro mehna ihyeracāhña. ¹² Sa yegu Jesu yequina ijieyequinare tiquina ñañe yeri buhirire buhiri dahre dutirigu ijieraja yahu. Sa yahure yeraro cahmene. Yahu sa niepegūta musa mehna cahmecoañequina Jesu yequina musa basi musa yerire ihñana, masino cahmene musare. Sa ihña cāedaro cahmene. Sa yena tiquina ñano yegū ihñana musare buhiri dahrero cahmene tiquinare. ¹³ Jesu yequina ijieyequina pehere Cohācjū pehe buhiri dahrerota. Sa yena musa pehe musa mehna cjānore ñano yeriquirore buhiri dahrena tiquirore cohña.

6

Jesu yequinare yahusārire yahuahye Pablo

¹ ¿Musa basi cahme ihña tuhti yahusā duana dahse ijiro boro Jesu yequina ijieyequina cahapu musa acayere Jesu yequinare yahusāna wahajari? Jesu yequinare musa mehna cjēnare yahusā duana apequina Jesu yequinare tire yahuro cahmene

m̄sare. Sa ye Jesu yequinap̄u beseahro. ² Pihtiri deco ijigũ mari Jesu yequina pehe masa ijipihtiyequina tiquina yerire ihñana besenata mari tiquinare. ¿Tire masiedajari m̄sa? Sa yena pihtiri deco ijigũ masa ijipihtiyequinare beseatina ijina, yojop̄u gũhare bese masiaja mari. Sa yena yojop̄ure ihyo ijiyegã buhiri gũhare bese masiaja mari. ³ Angele tiquina yerire ihñana tiquina gũhare besenata mari. ¿Tire masiedajari m̄sa? Mari sa beseatina ijina potota ti ȳhd̄uro yojop̄u gũhare Jesu yequina tiquina yerire ihñana bese masiaja mari. ⁴ ¿Sa yena d̄hse yena m̄sa mehna cj̄nare yahusã duana Jesure cahmeeñequina cahap̄u ihyo ijiyegã buhirire yahusãna wahajari m̄sa? ⁵ Ahrire niḡu niaja m̄sa queoro yerarire m̄sa buj̄ua witiatire. ¿M̄sa mehna cj̄nare m̄sa cahme d̄use tini wiagũ m̄sare yahuatiquiro m̄sa mehna cj̄no quehnoano masiniquiro mariedajari? Ijire. ⁶ Sa ijiepegãta m̄sa mehna cj̄no Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

⁷ Masare beseyequina p̄htoa cahap̄u m̄sa mehna cj̄nare yahusãna Cohãcj̄u ye pehere ȳhd̄ucana nine m̄sa. Apequiro m̄sa mehna cj̄no m̄sare ñano tiquiro yegũ sa t̄hotu cãboaga m̄sa. Jesu yequina ijieyequinare m̄sa yahusãto pano m̄sa acaȳrore m̄sa sa t̄hotu cãgũ quehnoa ȳhd̄aboaga. Jesu yaquiro m̄sare tiquiro yaquegũ tiquirore m̄sa yahusãto pano tiquiro yaquerire m̄sa sa t̄hotu cãgũ quehnoa ȳhd̄aboaga. ⁸ M̄sa gũhu sa ijinata ijire. Apequinare ñano yere m̄sa. Sa yena yaquere m̄sa. Sa yena apequina m̄sa mehna cj̄na Jesu

yequina tiquina ijiepegũta tiquinare ñano yena, yaquere m̃sa.

⁹ Sa yeyequina Cohãcjũ pũhtoro ijiropũre ʉhm̃sepũre waha masiedare. ¿Tire masiedajari m̃sa? Ni mehoñene tuhotueracãhña m̃sa. Mari pũhtoro ijiropũ ne wahasi ohõ saha yeyequina: W̃ana tiyequina, “Cohãcjũ ijire”, tiquina niñe queoyere ño peoyequina, numia mehna ñano yeyequina, ʉm̃na mehna ñano yeyequina numia, ʉm̃na sehsaro tiquina pagũri mehna ñano yeyequina, numia sehsaro tiquina pagũri mehna ñano yeyequina numia, ¹⁰ ni meho ehmañequina, apequina yere tutuaro cahmeñequina, queheyequina, masare ñano tuhtiyequina, yaqueyequina, ne Cohãcjũ pũhtoro ijiropũre ʉhm̃sepũre waha masiedare.

¹¹ Panopũre m̃sa gũhũ sa yerina ijimedi. Sa yemedina m̃sa ijiepegũta yojopũre m̃sa ñano yerire cose tuhasari Jesucristo pehe. Sa tiquiro cosenohrina m̃sa ijigũ tiquiro yequina ijiatĩnare yeri Cohãcjũ m̃sare. Sa yero “Quehnoana ijire”, ni ihñare m̃sare tiquiro. Sata yere m̃sare mari pũhtoro Jesucristo, Espĩritu Santo gũhũ tiquina tutuaye mehna.

Mari pagũri Cristo ye pagũri ijire

¹² “Yũhũ cahmeno saha ye masiaja yũhũ”, nine ihquẽquina. Sata ijire. Yũhũ gũhũ sa nidigũ ijiepegũta tire yegũ apequinare yedohorigũ ijieraboaga yũhũ. Yũhũ cahmeno saha ye masiaja. Sa ye masiepegũta ihquẽ tahari sa yegũ ijigũ duhu masiedaboaga yũhũ. Sa yegũ tire pari turi yesi yũhũ, “Duhu masiedaboaga”, nigũ. ¹³ Ohõ saha

nine m̄sa: “Ijipihtiye ihyaye mari paa cjẽ ijiati ijire. Sa yero mari paa ihyaye pose tiati paa ijire”, nine m̄sa. Ti ijirota ijire. Sa ijieperota came Cohãcjũ pehe mari ihyayere mari paa gãhure pihtia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijiati ijire. Sa ijieperota mari paguri numia mehna ñano yeati paguri ijierare. Mari paguri pehe mari pãhtoro Cristo ye paguri ijiye nine. Sa yero mari pãhtoro pehe mari pagurire quehnoano yeatiquiuro ijire. ¹⁴ Sa yero Cohãcjũ tiquiro tutuaye mehna mari pãhtoro Cristore masoahye. Sa tiquiro yeriro sahata mari gãhure masonota tiquiro.

¹⁵ ¿Sa yena m̄sa paguri Cristo ye paguri ijigũ masiedajari m̄sa? ¿Ti sa ijigũ Cristo ya pagu mehna w̄ana tiricoro mehna mari ñano yegũ quehnoajari? Quehnoaedare. ¹⁶ W̄ana tiri-corore ñeheniquiro tiquiro pagu pehe ticoro ya pagu mehna ijiro, ihcã pagu yero saha ijire. ¿Tire masiedajari m̄sa? Sata ni ojoahye Cohãcjũ yere tiquina ojoari p̄p̄: “Tiquina p̄aro ijiepetã ihcã pagu yero saha wahare”, ni ojoahye. ¹⁷ Mari pãhtoro Jesu tiquiro yaquiuro mas̄no mehna ijiro nine. Sa yero mas̄no mari pãhtoro mehna p̄aro ijiepetã ihcã pagu yero saha ijire.

¹⁸ Sa yena w̄ana tieracãhña. Tire m̄sa yabiro saha tire yeracãhña. Apeye ñañene mari yena mari pagure dojomehnedaja. W̄ana tiriquiuro pehe tiquiro pagure ñano dojomehnene. ¹⁹ Espiritu Santore marine ohoi Cohãcjũ. Sa yero mari paguri mehna ijire Espiritu Santo. ¿Tire masiedajari m̄sa? Sa ye m̄sa paguri, m̄sa jeripohnari gãh̄ m̄sa ye waro ijierare. ²⁰ M̄sa ñañe buhirire

buhiri dahre tuhasari Cristore. Sa yena tiquiro yequina waro ijire m̄sa. Tiquiro yequina ijina m̄sa paguri mehna Cohãcjũ tiquiro cahmeno sahata yeya. Sa yena Cohãcjũre ño peona nine m̄sa. Sa yena apequina gũhure tiquirore ño peogũ yena nine.

7

Namo tiyere yahuahye Pablo

¹ Yojopure yũhure m̄sa sinitu ojoarire yũhũ gũhũ yũhti cahmegũ tagũ niaja: Masũno namo tieragũ quehnoare, yũhũ ihñagũ. ² Ti sa ijiepegũta apequina ẽm̄na pehe namo tiahro apequina numia mehna tiquina “Ñano yeari”, niñe. Sa ye ihquẽ numiata manũ tiahro apequina mehna tiquina “Ñano yeari”, niñe. ³⁻⁴ Manũ tiricoro pagũ ticoro ya pagũ dihita ijierare. Ticoro manũno ya pagũ gũhũ ijire. Ticoro manũno gũhũ tiquiro pagũ tiquiro ya pagũ dihita ijierare. Tiquiro namono ya pagũ gũhũ ijire. Sa yena m̄sa ẽm̄na pehe m̄sa namosãnumiare quehnoano c̄oaya. Sa yena m̄sa numia gũhũ m̄sa manũsum̄are “Yũhũ pagure pihercãhña”, niedacãhña. ⁵ Sa ijiepegũta Cohãcjũre p̄aro m̄sa sini duana “Meheñe decorigã yũhũ mehna ijieracãhña. Cohãcjũre siniihna”, ihcãno mehna sa nina, sa ye masine m̄sa. M̄sa sa nidi bato m̄sa iji m̄htariro saha ijiducuya tja, Satana m̄sare “Ñano ye dutiari”, nina. “Apequina mehna ñano yeboaga”, nina, m̄sa basi piti ti duhueracãhña. M̄sa iji m̄htariro saha ijiducuya tja.

⁶ Ahrire m̄sare yojopũ yũhũ nidire nigũ m̄sare dutiye waro mehna niedaja. Sa yahugũ niaja m̄sa

yeatire m̄sa masiatire. ⁷ Ijipihtina m̄sa ȳh̄h̄ yero saha namo tiena m̄sa ijigũ quehnoaboaga ȳh̄h̄re. Sa iji duepenata mari ijipihtina ihcãno saha ijieraja. Ihquẽquinare namo ti dutire Cohãcjã. Sa yero tiquiro ihquẽquinare namo ti dutierare.

⁸ Sa yeḡh̄ namo marienare, man̄h̄ marienare, wape wiha numia ḡh̄h̄re ohõ saha niaja m̄sare: Namoma mariena, man̄h̄ mariena iji masina, sata iji cãh̄ña ȳh̄h̄ yero saha. ⁹ Sa iji masiedana tutuaro ñañene cahmena, namo tiya. Sa yena man̄h̄ tiya. Ñañene m̄sa tutuaro cahmegũ quehnoaedare m̄sare. M̄sa sa tutuaro cahmegũ m̄sa namo tigũ p̄rita quehnoarĩne. Sa yena m̄sa man̄h̄ tigũ ḡh̄h̄re quehnoarĩne.

¹⁰ M̄sa namo tinare, man̄h̄ tina numiare ohõ saha dutiaja. Ȳh̄h̄ sa niepegũta yee dutiye waro ijierare ahri. Mari p̄htoro Cristo ahrire dutire: M̄sa numia pehe m̄sa man̄h̄s̄m̄h̄re cohãedacãh̄ña. ¹¹ M̄sa man̄h̄s̄m̄h̄re cohãna, man̄h̄ mariena numia tojoaya. Sa tojoerana pari turi m̄sa man̄h̄s̄m̄h̄a mehna quehnoano ijiya tja. Sa yena m̄sa ḡh̄h̄ ɛm̄h̄a m̄sa namosãnumiare cohãedacãh̄ña.

¹² Sa yeḡh̄ m̄sa ḡh̄h̄re apequinare ohõ saha niaja ȳh̄h̄. Mari p̄htoro tiquiro dutiye ijierare ahri. Ȳh̄h̄ pehe ohõ saha niaja m̄sare: Ihquẽquina m̄sa mehna cjẽna Jesu yequina pehe Jesure cahmeeñequina numiare namo tiriquina ijire. Sa ye tiquina namosãnumia tiquina mehna tojoa duagũ tiquina numiare cohãedacãh̄do tiquina. ¹³ Sa ye ihquẽquina m̄sa mehna cjẽna numia Jesu yequina numia Jesure cahmeeñequinare man̄h̄ tiriquina numia

ijire. Sa ye tiquina manꝯsumꝯa tiquina numia mehna tojoa duagũ tiquinare cohãedacãhdo.

¹⁴ Mꝯsa manꝯsumꝯa Jesure cahmeeñequina ijiepegũta Jesu yequina numiare tiquina namo tigũ, Cohãcjũ quehnoañequina yero saha ihñare tiquinare. Sa yena mꝯsa umꝯa pehe Jesu yequina mꝯsa ijigũ mꝯsa namosãnumia Jesure cahmeeñequina numia ijiboaga. Tiquina sa ijiepegũta mꝯsa mehna tiquina numia manꝯ tigũ Cohãcjũ quehnoañe numia yero saha ihñare tiquina numiare. Tiquire sa ihñedagũ mꝯsa pohna Jesure cahmeeñequina pohne yero saha ihñaboaga Cohãcjũ. Sa yero tiquina pohne gũhure quehnoañequina yero saha ihñare Cohãcjũ.

¹⁵ Sa ye mꝯsa umꝯa pehere mꝯsa namosãnumia Jesure cahmeeñequina numia mꝯsare cohã duaye, sata yeahro. Mꝯsa manꝯsumꝯa gũhꝯ sa cohã duaye, sata yeahro. Quehnoano mari ijigũ cahmene Cohãcjũ. Sa yero tiquina numia Jesu yequina ijieye numia mꝯsare cohã duagũ “Tiquina numia mehna ijiniña”, ni, dutierare Cohãcjũ.

¹⁶ Tiquina namosãnumia Jesu yequina numia pehe quehnoano yegũ ihñañe camerꝯ tiquina manꝯsumꝯa Jesure cahmeboaga. Sa cahmegũ Cohãcjũ tiquinare pecarꝯ wahaboriquinare yũhdꝯorota. Sa ye tiquina manꝯsumꝯa Jesu yequina pehe quehnoano yegũ ihñañe camerꝯ tiquina namosãnumia Jesure cahmeboaga. Sa cahmegũ Cohãcjũ tiquina numiare pecarꝯ wahaboriquina numiare yũhdꝯorota. Sa Jesure cahmeboriquina tiquina ijiepegũta potota Jesure tiquina cahmeatire masiyuro basioerare mꝯsare.

¹⁷ Sa yena ijipihtina mꝯsa mari pũhoro Cristo

m̄sare tiq̄iuro iji dutiriro sahata yeya. Sa yena Cohãcjũ m̄sare tiq̄iuro cũr̄ire yeya m̄sa. Tire ijipihtiyequina Jesu yequinare sa ye dutiducuaaja ȳh̄h̄. ¹⁸ Jesu yequina m̄sa ijiato pano cuhnucun̄h̄ sohtoa cahserogãre ȳh̄re nena ijina, tire ihña yabieracãhña. Sa yena Jesu yequina m̄sa ijiato pano cuhnucun̄h̄ sohtoa cahserogãre ȳh̄re nedarina ijina yojop̄h̄ gãh̄re sata ijiducuya. ¹⁹ Yojop̄h̄re ti cahserogãre ȳh̄re nedina m̄sa ijigũ d̄h̄seati ijierare. Tire yerarina m̄sa ijigũ gãh̄re d̄h̄seati ijierare. Sa ijiepegũta Cohãcjũ dutiyere mari yegũ ti pũrita ihyo waro ijierare. ²⁰ Sa yena Cohãcjũ Jesu yequina m̄sare tiq̄iuro cũri pje m̄sa ijiriro sahata tojoaya. ²¹ Jesu yaq̄iuro m̄h̄h̄ iji d̄ucato pano apeq̄iuro cahacjũ m̄h̄h̄ ijigũ quehnoanota. Sata tojoaya. M̄h̄h̄ p̄h̄toro m̄h̄re tiq̄iuro wio duagũ pehere wijiaya m̄h̄h̄. M̄h̄h̄ wijiagũ quehnoanota m̄h̄re. ²² Sa yero mari p̄h̄toro Jesu yaq̄iuro ihcãq̄iuro ijiro mas̄no cahacjãno ijieperota Jesu tiq̄iuro ȳhd̄h̄oriquiuro ijire. Sata apeq̄iuro mari p̄h̄toro Jesu yaq̄iuro ijiro, mas̄no cahacjãno ijieraperota Jesu cahacjãno ijire tiq̄iuro gãh̄h̄. ²³ Mari ñañe buhirire buhiri ti tuhasahye Cristo. Sa yena tiq̄iuro dihitare potota m̄sa p̄h̄toro waro t̄hotuya m̄sa. Apequina m̄sare tire tiquina ye dutieragũ tiquinare t̄hoeracãhña. ²⁴ Sa yena ȳh̄h̄ acaye, Jesu yequina ijiatiquina Cohãcjũ m̄sare tiq̄iuro cũri pje m̄sa ijiriro sahata tojoaya. Sa tojoana Cohãcjũ mehna cjãna ijiya.

²⁵ Yojop̄h̄re namo marienare, man̄h̄ mariena numia gãh̄re yahu duaja m̄sare. Mari p̄h̄toro ahrire “Ohõ saha niña”, niedare ȳh̄re. Ȳh̄re

tiquiro paja ihñagũ yũhũre tiquiro yedohogũ tiquiro cahmeno sahata yeducurigũ ijiaja yũhũ. Sa ijirigũ ijigũ ahrire quehnoano yahutja mũsare. ²⁶ Yojopũre mũsa ñano yũhdũna niaga. Sa yena mũsa namo mariena gũhũ, manũ mariena gũhũ mũsa tojoagũ quehnoanota, yũhũ tũhotugũ. ²⁷ Namu mariena, manũ mariena numia mũsa ijina sata tojoaya. Sa yena mũsa pehe namo tina, manũ tina numia gũhũ sata tojoaya. ²⁸ Namu tina ñano yerare mũsa. Sa yena mũsa nuhmia manũ tina, ñano yerare mũsa gũhũ. Sa yena namo tina, manũ tina numia mũsare wape cũoro tojoarota. Sa yegũ mũsare “Sa wape tiari”, nigũ “Namu mariena, manũ mariena numia tojoaya”, niaja yũhũ.

²⁹ Yũhũ acaye, ahrire mũsare yahugũ niaja. Cristo ahri yehpapũ tiquiro tojoa tato mehenogã dũhsare. Sa ye yojopũre namo marieñequina Cohãcjũ cahmeno saha tiquina quehnoano ye masino sahata quehnoano yero cahmene namo tiyequina gũhũre. Sa ye manũ tiyequina numia gũhũre sata Cohãcjũ tiquiro cahmeno saha quehnoano yero cahmene. ³⁰⁻³¹ Ahri yehpa yojopũ ijiro saha camerũ ijisi. Camesa pihtia waharota. Sa pihtiatu yehpa ijigũ yojopũre mari ñehe quea utiye, mari bucueye, mari cũoye pihtia waharota. Sa ye ti ihyo waro ijire. Cohãcjũ yere yeye pehe ihyo waro ijierare. Sa ye ahri yehpa cjẽne cũoyequina, cũoyequina yero saha ijiahro. Ahri yehpa cjẽne pajiro tũhotueraro cahmene. Ahri yehpa yojopũ ijiri yehpa camesa pihtia waharota.

³² Mũsa ñano yũhdũeragũ cahmeaja yũhũ. Sa yegũ mũsa pajiro mũsa tũhotueragũ gũhũre cah-

meaja. Namō mariediquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. ³³ Namō tiriquire pehe tiquiro namono cahmeñe pehere tutuaro ye duare. Sa yero ahri yehpa cjeñe pajiro tãhoture. ³⁴ Sa yero tiquiro pãarore ye duare. Jesu cahmeñene, tiquiro namono cahmeñe gũhũre tiquiro ye duare. Sa yero bũcũoro manũ mariedicoro ijiro, ticoro mari pãhtoro Jesu cahmeñene tutuaro ye duare. Nuhmino gũhũ sata ye duare. Sa ye duaro ticoro tutuaro Cohãcjũ yacoro iji duare. Manũ tiricoro pehe ahri yehpa cje pehere ticoro manũno cahmeñe pehere tutuaro ye duare. Sa yero ahri yehpa cjeñe pajiro tãhoture.

³⁵ Ahrire mũsare nii niaja mũsare yedohogũ tagũ. Tutuaro dutiyere mũsare cũ dueraja. Sa cũ duerapegãta quehnoano mũsa yegũ cahmeaja. Sa yegũ Jesu mari pãhtoro yere mũsa tutuaro ye duagũ cahmeaja yãhũ.

³⁶ Mũsa mehna cãno tiquiro cahmedicoro bũcũoro wahagũ ihñano ticorore namo tiahro. “Sata yero cahmene”, ni tãhoturo, namo tiahro. Sa yero ticorore namo tiro ñano yero niedare. ³⁷ Apequiro pehe tiquiro cahmedicorore “Yũhũre namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine. ³⁸ Sa yero tiquiro cahmedicorore namo tiriquire gũhũ quehnoano yere. Sa yero yojopũre ticorore namo tieriquiro pehe apequiro yũhdũoro quehnoano yere.

³⁹ Manũ tiricorore ticoro manũnore cohã dutierare Cohãcjũ. Tiquiro sa cohã dutierapegãta

ticoro manano tiquiro yariari bato ticoro apequiro mehna ticoro cahmediquiro mehna manu ti masine. Ticoro manu tiriquire Jesu yaquiro ijiro cahmene tiquirore. ⁴⁰ Ticoro manu mariedicoro tojoaro, manu tiricoro yuhduoro quehnoano bucuericoro ijirota ticoro. Sata ni tūhotuaja yuhū pehe. Cohācjū yaquiro Espiritu Santore cūogū iji-aja. Yuhū sa cūogū ijigū masina, ahri yuhū yahurire masiña mūsa.

8

“Cohācjū ijire”, tiquina niñe queoyere ño peo, ihyayere duhu peoahye masa. Ti ihyayere yahuahye Pablo

¹Yojoapure “Cohācjū ijire”, tiquina niñe queoyere ño peo, tiquina duhu peori ihyayere yahu du-aja. Ijipihtina mūsa ti borore “Masiaja”, ni tūhoture mūsa. Sa ni tūhotuna “Apequinare masi yuhducaja”, ni tūhotumene mūsa. Sa ni tūhotuna apequinare yedohoerare mūsa. Apequinare cahīna tiquinare yedohore mūsa. Sa ye masiñe yuhduoro apequinare cahīne pehe ihyo waro ijierare. ²“Masi peho cjā”, nina ijina, Cohācjū quehnoañene tiquiro masi dutiyere masiedarīaga mūsa. ³Sa ijiepegūta Cohācjūre mūsa cahīgū mū sare masine tiquiro. Sa yena tiquiro yequina ijire mūsa.

⁴“Cohācjū ijire”, tiquina niñe queoyere ño peo, tiquina ihyayere duhu peore. Ti ihyayere mū sare yahutja: Ti queoye ne dūhseati ijierare. Potota ti queoye jeripohna mariedare. Cohācjū pehe ihcāquirota ijire. Apequina cohāmana mariedare. Ahrire masiaja mari. ⁵⁻⁶“Peyequina cohāmana

ijire. Tiquina mari pũhtoa ijire”, ni tũhotumene masa. Sa yero Ʃhmũserũ, ahri yehpapũ gũhũre “Cohãmana”, tiquina niñequina ijiepegũta mari pehere ihcãquiota ijire Cohãcjũ. Tiquiro mari Pacũ ijipihtiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari pũhoro Jesucristo ihcãquiota ijire. Tiquiro ijipihtiyere mari Pacũre ye basariquiro ijire. Tiquiro yequina ijiatinare yeahye tiquiro marine. Sa yena tiquiro mehna sa iiducunata mari.

⁷ Yũhũ nidiro saha ijiepegũta apequina Jesu yequina tire masiedare. Panopũ tiquina “Cohãcjũ ijire”, tiquina niñe queoyere “Catiyequina ijire”, ni tũhotuducumahye. Ti pjerũre sa yeriquina ijiye yojopũ gũhũre ti queoyere ño peo, tiquina duhu peo ihyayere “Cohãmana ye ihyaye ijire”, ni tũhotumene. Sa ye ti ihyayere ihyaye, “Mari ñano yena niaja”, ni tũhotumene. Tire tiquina yerire quehnoano masiedaye, sa ni tũhotumene.

⁸ Ti ihyayere mari ihyagũ mari ihyeragũ gũhũre Cohãcjũ marine “Quehnoañequina ijire”, ni ihñedare. Sa ye ti ihyayere mari ihyagũ ihyo warota iji cãhno nine ti ihyaye. Mari tire ihyana ñano yeraja. Ti ihyayere mari ihyeragũ gũhũre ihyo warota iji cãhno nine. Mari ihyerana apequina yũhdũoro quehnoana ijieraja mari gũhũ.

⁹⁻¹⁰ Sa ijiepegũta quehnoano yeya mũsa. Ti ihyayere ihyarina mũsa ijigũ apequina mũsare “Masiaja”, ninare ihña cũ ihyaboaga. Sa ihña cũ ihyaye tiquina yerire quehnoano masiedaye, “Ñano yena niaja mari”, ni tũhotueta tiquina gũhũ. Tiquina sa ni tũhotugũ tiquina pehere

ñano yegũ yena niaga m̄sa. Sa yena quehnoano yeya m̄sa. ¹¹ “Mari ti ihyayere mari ihyagũ quehnoanota marine”, m̄sa ni t̄hotuna ijina apequina quehnoano masieñequinare ñano yegũ yeboaga m̄sa, m̄sare tiquina ihña c̄gũ. Sa yeriquina ye ijiati ḡh̄re yariahye Cristo. Sa yena Cristo yequinare m̄sa acayere ñano yegũ yena niboaga m̄sa. ¹² Quehnoano masieñequinare Cristo yequinare m̄sa ñano yegũ yena, Cristo ḡh̄re ñano yena nine m̄sa. ¹³ Sa yegũ ti queoyere ño peo, tiquina duhu peo ihyayere yahũ ihyagũ Cristo yequinare ñano yegũ yegũ niboaga yahũ. Jesu yequina ñano yegũ cahmedaja. Sa yegũ “Yahũ tiquinare ñano yegũ yeari”, nigũ ti ihyayere ne pari turi ihyasi yahũ.

9

Pablo Jesu c̄riquiuro tiquiuro ijiyere yahuahye

¹ Jesu tiquiuro yere buhe dutiro c̄rigũ ijiaja. Sa yegũ apequina tiquiuro c̄riquina tiquina yero saha ye masiaja yahũ ḡh̄. Jesu c̄rigũta ijiaja yahũ ḡh̄. Mari p̄h̄toro Jesure ihñarigũta ijiaja yahũ. Sa yena Jesu yere yahũ buhegũ m̄sa pehe tire quehnoano t̄hona tiquiuro yequina wahare m̄sa. Sa yena Jesu c̄rigũ yahũ ijiyere masi tuhasare m̄sa. ² Apequina yah̄re yahu wajaye “Jesu c̄riquiuro ijierare”, niboaga. Tiquina sa niepegũta m̄sare yahũ buheri bato Jesu yequina wahana, “Jesu c̄riquiuro ijire”, ni, yah̄re masi tuhasare m̄sa. Sa yena apequina yahu wajaep̄gũta m̄sa pehe tiquiuro c̄rigũ yahũ ijiye tiyere masine.

³ Yũhũre yahu wajayequinare ohõ saha ni yũhtiitja. ⁴ Mũsare yũhũ buheri bato yũhũ ihyatire yũhũ sihniati gãhũre yũhũre ohoro cahmene mũsare. ⁵ ¿Sa yegũ namo tigũ ijigũ yũhũ namono Jesu yacoro ticoro ijigũ ticoro mehna tini masiedaboagari yũhũ? Apequina Jesu cũriquina, Jesu bahana, Pedro gãhũ tiquina namosãnumia mehna tiquina tinidiro sahata yũhũ gãhũ tini masiboaga. Yũhũ sa tinigũ yũhũ namo tigũ ijigũ ticoro gãhũre ihyayere ohoboaga mũsa. ⁶ Yũhũ Bernabé mehna mũsare quehnoañe buheyere usã buhepegũta usãre ne apee borogã ohoerari mũsa. Sa yena usã basita usã ihyatire dahra wapataũ usã. ¿Usã dihitare wapataro marieno buhero cahmeajari, mũsa tũhotugũ? ¿Usã sa buhena ap-eye dahraye pehere duhu masiedaboagari usã? ⁷ Ahriquina yũhũ queoye mehna yahuatiquina pehe tiquina dahrari wapa wapatare. Ihcãquiro surara dahragũ tiquiro pũhtoa tiquirore wapa yere. Tiquiro basi wapa yerare. Ihyayere oteriquiro gãhũ tiquiro oteri dũca tigũ tireta ihya masine. Sa yero wapatare tiquiro. Sa yero ovejare ihña ihboriquiro tiquiro nuñequina epẽcore sihni masine tiquiro. Sa yero wapatare tiquiro gãhũ. ⁸ “Tiquina dahrari wapare wapa yero cahmene”, nigũ masa tiquina dutiye dihitare mũsare yahueraja. Cohãcjũ dutiyepũ tiquiro nidi gãhũre mũsare yahugũ niaja. ⁹ Tiquiro dutiyere tiquina ojoari pũpũ ohõ saha ni yahure: “Wecũ trigo pjerire tiquiro dahpocãri mehna suhti weriquiro ihya duagũ tiquiro dũserore cahmotaeracãhña”, niahye Cohãcjũ dutiye. Sa dutiro wecũare nino niedahye. ¹⁰ Sa dutiro marine nino niahye

marine buhero taro. Wesere seheriquiro gũhũ ti dũcare nediquina gũhũ tiquina dahrari bato dũca tiri pje ijigũ tiquina wapatatire cohtere. Sa yena dahrayequinare tiquina dahrari wapare ohoro cahmene marine. ¹¹ Mũsare Cohãcjũ yere quehnoañe buheyere buhei usã. ¿Usã sa buhegũ mũsa pehe usãre ihyayere ohoeraro cahmeajari, mũsa tũhotugũ? Ohoro cahmene. Mũsa ohogũ quehnoaboaga usãre. Sa ijiepegũta mũsa ohoerari usãre. ¹² Sa ohoerapenata apequina ihyayere mũsare sinigũ tiquina pehere ohore mũsa. Tiquina mũsare ihyayere sinigũ tiquina yũhdũoro usã pehe oho dutiboaga mũsare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere mũsapũ cahmedaboaga” nina, usãre mariedapegũta mũsare ne siniedũ. ¹³ Cohãcjũ wũhũpũ dahrayequina ti wũhũpũta tiquina ihyayere nene. Sa ye Cohãcjũre tiquina ño peori altarpũ cohteyequina wahiquirore tiquina mũjũa mũoriquirore mehenogã ne, ihyari tiquina gũhũ. ¿Tire masiedari mũsa? ¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene mũsare. Sata ye dutiri mari pũtoro Jesu. ¹⁵ Sa yegũ mũsare siniborigũ ijiepegũta yũhũ ne apee borore siniedũ mũsare. Sa yegũ ahrire yojopũre ojoa ohogũ apee borore wapa cahmegũ tagũ ojoagũ niedaja. Mũsare ne wapa cahme dueraja. Yariacjũ ijiepegũta ne wapa cahmesi yũhũ mũsare. Wapa marieno buhegũ tutuaro bucueaja. Sa yegũ mũsare yũhũ buheri wapa ne wapata ihyasi.

16 Quehnoañe buheyere buhe dutiro yuhure cūri Cohācjū. Tire buheacjūta ijigū niaja yuhū. Quehnoañe buheyere buheragū pejecuogū ijiboaga yuhū. Sa yegū ti buheyere buhegū “Apequinare masi yuhdudūcaja”, niacjū ijieraja yuhū. 17 Quehnoañe buheyere yuhū esa tuharo buhegū yuhū buheri wapa wapa neboaga yuhū. Cohācjū yuhure tiquiro yere buhe dutiro cūri yuhure. Sa yegū yuhure tiquiro cūrire yegū niaja. Sa buheacjū ijiaja yuhū. 18 ¿Tiquiro yere sa buhegū yabe borore wapatajari yuhū? Ohō saha ijire yuhū wapataye: Quehnoañe buheyere buhegū mū sare ne apee borore siniedagū wapa marieno ti buheyere buheaja mū sare. Yuhū sa nidire masigū bucueaja. Yuhū bucueyeta ijire yuhū wapataye.

19 Ne masa cahacjū ijierapegūta ijipihtiyequina cahacjū yero saha ijiaja yuhū apequina masa Jesu yequina tiquina wahatire. 20 Sa yegū yuhū acaye judío masa mehna ijigū, tiquina yero saha yeaja yuhū Jesu yequina tiquina wahatire. Cohācjū dutiyere Moisere tiquiro cūrire ño peorigū ijierapegūta, ti dutiye dihitare ño peoyequina mehna ijigū ti dutiyere ño peoriquiro yero saha ijiaja yuhū. Sata yeaja yuhū tiquina Jesu yequina tiquina wahatire. 21 Sa yegū Cristo yaquiro ijigū Cohācjū dutiyere Moisere tiquiro cūrire cohā dueraja. Ti dutiyere cohā duerapegūta ti dutiye marieñequina mehna ijigū ti dutiye marieniquiro yero saha ijiaja. Sata yeaja yuhū Jesu yequina tiquina gūhū wahatire. 22 Jesu yere quehnoano masieñequina mehna ijigū tiquina yero saha ijiaja. “Masi pehogū ijiaja”, niedaja yuhū. Sata yeaja yuhū Jesu yequina tiquina gūhū wahatire. Sa yegū ijipihtiyequina

masa tiquina ijiro saha ijiaja yuhh, ihquẽquina Jesu yequina tiquiro yuhd̄oriquina tiquina wahatire. ²³ Ahrire yeaja quehnoañe buheyere ijipihtiyequina tiquina t̄hoatire. Yuhh sa yegũ ihñano Jesu tiquiro buheriro saha yuhh gũh̄ure quehnoano yere. Sa yegũ masa tiquina ijie tiro saha ijiaja.

²⁴ Ohõ saha ijire mari queoye mehna buhegã. Oma cohãpeyequina omañe tiquina ijipihtiyequina omare. Tiquina sa oma pihtiepegãta oma tutuariquiro pehe esa m̄htare. Sa esa m̄htariquiro wapatate. Sa yena tiquina omariro saha m̄sa gũh̄u Cohãcjũ cahmeñene yeya m̄sa wapatatire. ²⁵ Ijipihtiyequina omañequina tiquina paḡure dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carĩne, quehnoano yere tiquina. Sata yere tiquina wapatato saha. Sa ye tiquina wapataye p̄uri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohãcjũ yere quehnoano buheaja tiquiro yere mari wapatato saha. Ti wapataye p̄urita ne ahbaerare. ²⁶ Sa yegũ yuhh ape siep̄u omariquiro yero saha yeraja. Sa yegũ cahmequeperiquiro ape siep̄u dote maca cãriquiro yero saha yeraja. Sa yegũ Cristo yere queoro ye duaja. ²⁷ Sa yegũ omapeyequina, cahmequepeyequina gũh̄u tiquina paḡurire tiquina buheriro saha, quehnoano queoro tiquina yeriro saha yuhh gũh̄u yuhh paḡu mehna quehnoañe dihitare yepoaja. Sa yeragũ apequinare buherigũ yuhh ijiepegãta d̄hseacjũ ijieraboaga yuhh pehe.

10

*“Cohãcjũ ijire”, tiquina niñe queoyere ño peo du-
tierahye Pablo*

¹ Sa yena yũhũ acaye, ahrire masiña mũsa. Ušã Israe masa ñecũsumũa mũna panopũ cjẽna ijipihtiyequina Cohãcjũ ya ehmeo curuare ihña nãũũ tã cãa wahahye. Sa wahaye, aco sohãri mare aco pũa peheri tojoadũcari mahapũ wũa queheri mahapũ tiniñe, pehãa wahahye. ² Sa wahaye, tiquina ijipihtiyequina ehmeo curua mehna aco sohãri ma cjẽ aco mehna Cohãcjũ ye ijiatire wame yenohriquina yero saha wahahye. Wame yenohrina wahana Cristo yequina mari ijiyere ihñona niaja. Sa tiquina aco sohãri mare wame yenohriquina yero saha wahaye, Moise yequina tiquina ijiyere ihñoñe niahye. ³ Sa ye tiquina ijipihtiyequina uhmũse cjẽ ihyayere ihyae tiahye Cohãcjũ tiquiro ohoyere. ⁴ Sa ihyaye tiquina ijipihtiyequina Cohãcjũ ohori aco gũhũre sihnie tiahye. Ti pjepũre ti acore Cohãcjũ cũri utãpũ wi-jiari acore sihnie tiahye tiquina. Tia utã yero saha ijiriquiro, tiquinare aco ohoriquiro Cristo ijiahye. ⁵ Tiquina sa wahariquina ijiepegũta apequina tiquina mehna cjẽna ñano yegũ ihñano Cohãcjũ pehe peyequina tiquina mehna bucuerahye. Sa yero tiquinare masa marienopũ yariagũ yeahye Cohãcjũ.

⁶ Sata yeahye tiquinare Cohãcjũ marine buhero taro. Sa yero tiquinare ihña cũ ñañene mari tu-tuaro cahmedatire Cohãcjũ sa yeahye tiquinare. ⁷ Sa yena “Cohãcjũ ijire”, tiquina niñe queoyere tiquina ño peoriro saha yeracãhña mũsa. Ti

queoyere tiquina ño peorire Cohãcjũ yere tiquina ojoari pũpũ yahuro ohõ saha niahye: “Tiquina ihya duji sihni tuhasa, wahcãdũca, bose deco ye dũcahye wecũ queoyere ño peoye tehe”, ni ojoahye panopũre. ⁸ Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye. ⁹ Apequina Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtiyeh tiquirore usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tjã. Sa yena tiquina yero saha Cristore yeracãhña mũsa. ¹⁰ Apequina Cohãcjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcjũ marine buhero taro. Mari pehe pihhiri deco panogã ijina ijiaja. Mari sa ijina ijigũ panopũ cjẽna tiquina sa waharire Cohãcjũ ojoa dutiahye marine quehnoano buhero taro. ¹² Sa yena “Quehnoana ijiaja, Cohãcjũ tiquiro ihñagũ”, ni tũhotu, quehnoano yeya mũsa “Ñañene yeari”, nina. ¹³ Mari ijipihtina ihcãquiro dũhsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañe wacũñene mari bõ masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

14 Sa yena yuhu cahña yuhure tuhoya. “Cohãcjũ ijire”, tiquina niñe queoyere ne ño peoeracãhña.

15 MUSA quehnoano masina ijigũ musare yahuaja. Sa yena yuhu niato poto ijigũ masiña musa basi.

16 Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro nidiro saha mari gũhu ti vinore sihnina Cohãcjũre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wjiarire masigũ yena niaja. Sa yena tiquiro yequina mari ijiye gũhare masigũ yena niaja mari. Sa yena pãre mari Cristo yequina nuhana mari ye ijiatire tiquiro pagu curusapu tiquiro yariarire masigũ yena niaja. Sa yena tiquiro yequina mari ijiye tiye gũhare masigũ yena niaja. 17 Sa yena peyequina masa ijiepenata ihcãria pãgãre ihyana, ijipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

18 Israe masa tiquina yerire wacũña musa: Tiquina wahiquire wejẽne, ujũa muo, ohoye, Cohãcjũre ño peore. Sa tiquina ohori bato ihcã curuata tiquina ohoriquire ihyare. Sa ihyaye Cohãcjũ yequina tiquina ijiye tiyere masigũ yere tiquina. 19 Ohõ sahata nii niaja musare: “Cohãcjũ ijire”, tiquina niñe queoye duhseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare. 20 Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquire wejẽ, ujũa muo, Cohãcjũre ño peoye niedare. Sa ye queoyere ño peoye watia pehere ño peore tiquina. Tiquina sa ño peoyequina

ijigũ tiquina mehna ihyana watĩno yequina yero saha yena niaga m̄sa. M̄sa sa yegũ pũritare ne cahmedaja. ²¹ Santa cenare mari yeri deco mari pũhtoro Jesure wacũna tana sihniaja. Mari sa sihnina, watĩno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watĩa ye pehere ihya masiedaja mari. ²² ¿Jesure m̄sa mehna usuagũ ye duajari m̄sa? ¿Tiquiro yahdũoro tutuana ijiajari m̄sa? Ijierare m̄sa. Sa yena quehnoano yeya m̄sa.

Cohãcjũ cahmeñe dihitare yeya

²³ M̄sa yeri ñañe ijierapegũta tire yena apequinare yedohoeraboaga m̄sa. Sa yena tire yena Jesure wacũ tutua nemogũ yeraboaga m̄sa apequinare. ²⁴ M̄sa cahmeñe dihitare yeracãhña. Apequina pehere quehnoano yedohoya m̄sa.

²⁵⁻²⁶ Ihyaye duaropũre ihyayere dúna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga m̄sa. Sa ni sinitueracãhña. Ahri yehpa, ahri yehpapũ ijiye gũhũ Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

²⁷ Jesure cahmeediquiro m̄sare ihya dutiro tiquiro pijiogũ waha duana wahaya. Sa waha m̄sare tiquiro duhu peoyere ihyaya. “¿Ahri ihyaye Cohãcjũ queoye cahapũ tiquina duhu peori ihyaye ijiajari?” ni, sinitueracãhña. ²⁸ Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, m̄sare tiquiro ni yahugũ ti ihyaye pũritare ihyeracãhña. M̄sare sa ni yahuriquiro “Ñañe ihyayere ihyare ahriquina”,

m̄sare tiq̄uiro ni t̄hotueratire ihyerac̄h̄ña. ²⁹ Sa ihya dutieraḡu m̄sa pehere yedohoḡu taḡu sa niedu. M̄sare ahr̄ire yahuriq̄uiro pehere yedohoḡu taḡu sa ihya dutieraja. Tiq̄uiro pehe m̄sare “Ñañe ihyayere ihyare ahriquina”, niboaga. “Sa niari”, nina ti ihyayere ihyerac̄h̄ña.

“Ihyerac̄h̄ña”, ȳhu niḡu oh̄o saha ni sinitu ȳhtiboaga m̄sa ȳhure: “¿D̄hse ij̄iro boro apeq̄uirore ‘Sijoro saha wac̄ari’ ”, nina ihyeraboagari ̄s̄a? ³⁰ “¿Ti queoyere ohori ihyayere ̄s̄a ihyaḡu Coh̄c̄j̄u warore ‘Quehnoare’, ̄s̄a niepeḡata d̄hsero tire ̄s̄a ihyari buhiri apeq̄uiro ̄s̄are yahu wajaboagari?” ni sinitu ȳhtiboaga m̄sa ȳhure. ³¹ Ahri ij̄ip̄ihtiyere yahuḡu oh̄o saha niḡu niaja m̄sare: Decoripe Coh̄c̄j̄u tiq̄uiro dutiriro sahata bucueye mehna ihya, sihniaja, Coh̄c̄j̄ure masa tiquina ño peoatire. Sa yena ij̄ip̄ihtiyere quehnoano yeducuya Coh̄c̄j̄ure masa tiquina ño peoatire. ³² Ne judio masare, judio masa ij̄ieyequinare, Coh̄c̄j̄u yequina ḡh̄ure ñano yeḡu yerac̄h̄ña m̄sa tiquinare. ³³ Oh̄o saha yeaja ȳhu pehe. Masa ij̄ip̄ihtiyequinare yedoho duaja. Sa yeḡu yee ij̄iati pehere pajiro t̄hotueraja. Ȳhu ñano ȳhd̄uḡu quehnoanota. Masa pehere yedohoaja tiquinare pecap̄u wahaboriquinare Coh̄c̄j̄u tiq̄uiro ȳhd̄oatire.

11

¹ Sa yena Cristore ȳhu ih̄ña c̄ūriro sahata m̄sa ḡh̄u ȳhure ih̄ña c̄ūña.

Corinto c̄j̄ena cahmecoanop̄u numia tiquina yeatire yahuahye

² M̄sare ȳh̄u buhe turiarire wacũ pehoñohti m̄sa. Sa wacũna m̄sare ȳh̄u nidire ȳh̄u ye dutiriro saha yeñohti m̄sa. Sa yena quehnoano yere m̄sa. ³ Sa yena m̄sa ijiepegũta ahri ḡh̄ure m̄sa masigũ cahmeaja: Ijipihtiyequina ʘm̄a tiquina p̄htoro, Cristo ijire. Sa yero tiquiro namono p̄htoro ijire ticoro man̄no. Sa yero Cristo p̄htoro tiquiro Pac̄ro ijire. ⁴ Cohãcj̄re sinidiquiro tiquiro dapure mohariquiro sinino, tiquiro basi p̄htoro ijiyere wijiario nine. Cohãcj̄ yere yahuriquiro ḡh̄u tiquiro dapure mohano, sata yero nine tiquiro ḡh̄u. ⁵ Sa yero ticoro dapure moheno Cohãcj̄re sinino, ticoro man̄no p̄htoro ijiyere wijiagũ yero nine. Cohãcj̄ yere yahuricoro ḡh̄u ticoro dapure moheno, sata yero nine ticoro ḡh̄u. Sa yero ticoro poarire w̄hari p̄j̄ mehna w̄ha pehoricoro yero saha yere ticoro. ⁶ Ticoro dapure moha dueraro ticoro poarire se peho cã dutiahro. Ticoro sa yeri bato ticoro dapure b̄e tiro, ticoro mohaahdo ticoro dapure. ⁷ ʘm̄a pehe Cohãcj̄ yero saha p̄htoa ijire. Sa ye Cohãcj̄ quehnoariquiro, tutuariquiro tiquiro ijiye tiyere ih̄ore tiquina pehe. Sa ye tiquina dapure moheñequinata ijiahro. Numia pehe ʘm̄a tiquina p̄htoa ijiye tiyere ih̄ore. Sa yeye tiquina dapure mohaahdo. ⁸ Cohãcj̄ ʘm̄nore yero, numino ya paḡ cj̄ mehna ʘm̄nore yerahye. Numino pehere yero, ʘm̄no ya paḡ cj̄ mehna yerahye ticorore. ⁹ Sa yero ʘm̄nore yero, numino yaquiro ijiatiquirore yerahye. Numino pehere yero ʘm̄no yacoro ijaticorore yerahye Cohãcj̄ ticorore. ¹⁰ Sa ye numia tiquina dapure

mohaahdo angele gũhũ tiquina ihña bucueatire. Sa moñañe ɯmɯa tiquina pũhtoa tiquina ijiyere ihñoñe nine. ¹¹⁻¹² Cohãcjũ numinore yero, ɯmɯno pagũ cjẽ mehna yeahye. Sata yojopũre ɯmɯno masa bajuaro, numino pagũpũ masa bajuare. Sa yero ijipihtiyequinare Cohãcjũ pehe yeahye. Sa yero ɯmɯno tiquiro iji mũhtaedagũ numino mariedaboaga. Sa ye numino ticoro mariedagũ ɯmɯno gũhũ mariedaboaga. Sa ye tiquina ɯmɯa numia gũhũ tiquina basi cahme yedohore masa putiatire. Sa yero ijipihtiyequinare ijiatiquinare bajumehnediquiro ijire Cohãcjũ.

¹³ ¿Musa basi dahse ni tũhotuajari? ¿Numino ticoro dapu mohedico, Cohãcjũre ticoro sinigũ quehnoajari, musa tũhotugũ? Ne quehnoaedare.

¹⁴ Sa yero ɯmɯno poa nahmo cœoriquiro tiquiro ijigũ ñarĩne. Ijipihtiyequina masa tire masine.

¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cœoricoro ijiro quehnoaricoro bajure ticoro. Ti gũhũre ijipihtiyequina masine.

¹⁶ Musa mehna cjũno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gũhũ sata yere tiquina gũhũ. Usã sa yerina ijigũ ihñagũ yũhũ ni yahuriro saha yero cahmene mũhũ gũhũre”, ni yahutja yũhũ yahurire cahmeediquirore.

Santa cenare tiquina ihyari watoa dojomehneahye Corinto cjẽna

¹⁷ Yojopũre musare ahrire yahugũ tũhũ, “Quehnoano yena ijire”, niedaja yũhũ musare.

Musa cahmecoana quehnoano yerare. Ñano yere musa. ¹⁸ Ohõ saha ni yahu m̄htāntja m̄sare: Musa cahmecoanop̄ cahme d̄use tutuana musa basi ihquē cururi tu wana niñõhti musa. Apequina tire ȳh̄are tiquina yahugũ “Potota ijiaga”, ni t̄hotuaja ȳh̄. ¹⁹ Sata yere musa. Sa yena ohõ saha ni t̄hotumene musa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni t̄hotumene musa. ²⁰ Musa basi sa cahme ihña tuhtina, musa ihc̄anop̄ cahmecoa ihyana quehnoano yerare. Potota Santa cena waro yena niedare. ²¹ Musa cahmecoana ihquēquina musa sehsaro ihya m̄htana, apequina pehere ɱ̄ja ahbagũ yere. Sa ye sihni m̄htana quehea wahare. ²² ¿M̄sare musa ihyaye w̄h̄use mariedajari? ¿M̄sare musa sihniñe w̄h̄use mariedajari? Ti w̄h̄usep̄ta ihya, sihniña. Yojōp̄re Coh̄ãc̄j̄e yequina tiquina cahmecoanore dojomehnena niaga musa. Sa yena apequina Jesu yequina pejec̄oyequinare ihyaye marieñequina pehere musa pehe b̄oro ȳhd̄gũ yere. ¿D̄h̄se ni yahuḡtari ȳh̄ musare? “Quehnoano yerare musa”, niaja ȳh̄.

Santa cenare ihyarire yahuahye Pablo
(Mt 26.26-29; Mr 14.22-25; Lc 22.14-20)

²³ Mari p̄htoro Jesu tiquiro ihya bato tirire yahuri ȳh̄are. Sa tiquiro yahuri bato ȳh̄ pehe m̄sare tire yahuu. Ti ohõ saha ijire: Tiquirore ihña tuhtiyequinare Juda tiquiro ihñõati ñamine mari p̄htoro Jesucristo p̄re ne, ²⁴ Coh̄ãc̄j̄e “Quehnoare”, niñõhti. Tiquiro sa nidi bato ti p̄re

nuha, tiquiro buheyequinare itiñohti. Sa itiro ohõ saha niñohti: “Ahrire ihyaya. Ahri yuhũ pagũ ijire. Mũsa ye ijiatire yariũtja. Yuhũre mũsa wacũatire ahrire ihyaya”, niñohti Jesu mari pũhtoro. ²⁵ Sa tiquina ihyari bato tiquiro sihnidi pare neno ohõ saha niñohti: “Mũsa ñaÑe yeyere cohãgũ tagũ yariũtja. Sa yegũ ye diire cohãgũtja. Cohãcjũ ‘Mũsare yuhdũoutja’ tiquiro nidiro esagũ yuhũ yariaro mehna tiquiro nidiro sahata sohtori tirota. Ahri papũ pose tiyere sihnina, yuhũ dii wijiarire wacũnata. Ahrire sihnina, yuhũre mũsa wacũatire sihniña”, niñohti Jesu. ²⁶ Sa yena Santa cena cjẽ pãre mũsa ihyana, sihniÑene sihnina, Jesu mari pũhtoro mari ye buhirire tiquiro yariarire wacũ, ihñona nine mũsa. Sa ihñoducunata mũsa tee ahri yehpapũ tiquiro tojoa tato pano.

“Santa cenare ihya sihnina ohõ saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua pesaro yerana, tiquiro pagũre tiquiro dii cohãri gũhũre bujũpero saha yena niaja mari. Sa yena Jesure bujũpena niaja mari. Sa yeyequina buhiri tiyequina ijire. ²⁸ Sa yena mari yerire, mari ijiye tiyere quehnoano wacũuhna. Sa wacũna Santa cenare ihya, sihni masiaja mari. ²⁹ Mari pũhtoro mari ye ijiatire tiquiro pagũ yariarire wacũno marieno Santa cenare ihya, sihnina mari buhiri tinata. ³⁰ Ohõ saha dihita yere peyequina mũsa mehna cjẽna. Sa ye tiquina ihquẽquina tutueyequina, dohatiyequina wahare. Sa ye apequina tiquina sa yeri buhiri yariaa wahare. ³¹ Sa ijipegũta tiquina ihya, sihniÑe tiquina yerire,

tiquina ijiye tiyere quehnoano wacũñe, tiquina ñañe yerire duhu, ti buhirire buhiri tieraboaga. ³² Mari p̄h̄toro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigũ cahmedare mari p̄h̄toro.

³³ Sa yena ȳh̄h̄ acaye, Santa cenare ihyana tana cahmecoana, m̄sa basi cohteniña. ³⁴ Sa ye m̄sa mehna c̄j̄na ūj̄na ahba, tiquina ye w̄h̄h̄sep̄u ihyarĩahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi m̄sa. Apee borore yahu duami m̄sare. Came ȳh̄h̄ basi esagup̄u m̄sare yahutja tire.

12

Cohãcjũ yere mari yeatire cũno marine ye masigũ yere Espíritu Santo

¹ Ȳh̄h̄ acaye ahrire yahu duaja m̄sare. Cohãcjũ yere mari yeatire cũno marine ijipih̄tinare ye masigũ yere Espíritu Santo. Sa yeḡu tire m̄sa quehnoano masigũ cahmeaja.

² Jesu yequina ijieranina sijoro saha ijiye buheyere t̄ho n̄n̄na ijina, m̄sa pehe “Cohãcjũ ijire”, tiquina niñe queoyere, yahuducueye queoyere ño peomedi. Tire masine m̄sa. ³ Sa ijimedina m̄sa ijigũ yojop̄are oh̄o saha ni yahutja m̄sare. “Jesu ñano wahacũnahdo”, niñequina Cohãcjũ yaquiro Espíritu Santo tutuaye mehna sa niñe niedare. Espíritu Santo warore c̄oerare tiquina. Sa ijiye “Jesu mari p̄h̄toro ijire”,

niñequina pehe Espíritu Santo tutuaye mehna sa niñequina ijire tiquina.

⁴ Cohãcjũ yere ye masiñe peye ijire. Ti sa ijiepegũta marine ye masigũ yeriquiro pehe ihcãquiota ijire. Tiquiro Espíritu Santo ijire. ⁵ Sa ye apequinare yedohoye gũhũ peye ijire. Ti sa ijiepegũta mari pũhtoro Jesu pehe marine yedoho dutiriquiro ihcãquiota ijire. ⁶ Sa ye Cohãcjũ yere yeye gũhũ peye ijire. Ti sa ijiepegũta Cohãcjũ ijipihtina marine ye masigũ yeriquiro pehe ihcãquiota ijire. ⁷ Marine Jesu yequinare Espíritu Santo yedohoro, Cohãcjũ tutuayere ihñoño nine. Ohõ sahata yedohore tiquiro Jesu yequinare ijipihtiequinare mari quehnoano yeatire. ⁸ Ihquẽquinare quehnoano masi yahugũ yere Espíritu Santo. Sa yero apequinare Cohãcjũ yere quehnoano buhegũ yere tiquiro. ⁹ Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiequinare yũhdũgũ yere. Cristore tiquina wacũ tutuagũ ihñano tiquirore tiquina sinidiro sahata yere tiquiro. Espíritu Santo ihcãquiota ijiriquiro ti tutuayere ohore. ¹⁰ Sa yero apequinare Cohãcjũ tutuaye mehna ihñoñene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watĩno ye buheye ti ijigũ masine tiquina. Espíritu Santo waro ye buheye gũhũre ti ijigũ masine tiquina. Sa yero apequinare

tahomehneñe yahuducuyere yahuducu masigũ yere tiquiro. Sa yero tahomehneñe yahuducuyere yahuducuyequina tiquina nino sahata yahu yũhdũo masigũ yere tiquiro apequinare. ¹¹ Espíritu Santo ihcãquirola ijiriquiro tiquiro cahmeno saha marine ijipihtinare yũhũ yahuriro saha ye masigũ yere. Ihquẽquinare sijoro saha ye masigũ yere. Apequina gũhũre sijoro saha ye masigũ yere.

Cristo yequina ijina ihcã curuata ijiaja mari

¹² Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijie. Sata ijiaja mari Cristo yequina gũhũ. Cristo yequina tiquiro pagũ yero saha ihcã curuata ijiaja. ¹³ Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiquiro pagũ yero saha ihcã curuata ijiaja mari. Espíritu Santo ihcãquirola ijiriquiro tiquiro tutuaye mehna wame yenohrina ijiaja mari ijipihtina. Sa yena ihcãquirola Espíritu Santore cũoaja mari, Cristo ya curua cjãna ijina.

¹⁴ Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijie peye ijire. ¹⁵ Mũhũ dahpocã yahuducuri dahpocã ijiro, ohõ saha niboaga mũhũre sijoro saha ni duaro: “Omoca ijieraja yũhũ. Sa yegũ pagũ cjã dahpocã ijieraja yũhũ”, niboaga. Mũhũ dahpocã sa nieperota pagũ cjã dahpocã ijirota nine. ¹⁶ Mũhũ cahmono yahuducuri cahmono ijiro, ohõ saha

niboaga m̄h̄ure sijoro saha ni duaro: “Capea ijieraja ȳh̄h̄. Sa yeḡh̄ paḡh̄ cjã cahmono ijieraja ȳh̄h̄”, niboaga. M̄h̄h̄ cahmono sa nieperota paḡh̄ cjã cahmono ijirota nine. ¹⁷ ¿Mari paḡh̄ capea dihita ijigũ d̄h̄se t̄h̄hoboagari mari? Basioerare. ¿Sa yena mari paḡh̄ cahmono dihita ijigũ d̄h̄se wijĩboagari mari? Basioerare. ¹⁸ Sa ijierare mari paḡh̄. Ohõ saha ijire. Mari paḡh̄p̄h̄ ijiyere Cohãcjũ tiq̄uiro cahmeno saha c̄uh̄ye mari paḡh̄ure. ¹⁹ ¿Mari paḡh̄p̄h̄ ijie mariedagũ d̄h̄se wahaboagari mari paḡh̄? ¿Mari omocari dihita ijigũ d̄h̄se wahaboagari mari paḡh̄? ²⁰ Mari paḡh̄ ohõ saha ijire: Ihcã paḡh̄ ijiepegũta mari paḡh̄p̄h̄ ijie peye ijire.

²¹ “M̄h̄h̄ yedohogũ cahmedaja”, m̄h̄h̄ capea ni masiedare m̄h̄h̄ omocare. Sa yero m̄h̄h̄ dapu m̄h̄h̄ dahpocãrine “M̄sa yedohogũ cahmedaja”, ni masiedare. ²² Apeye mari paḡh̄p̄h̄ ijiyere “Ihyo iji cjũñe ijire”, mari niñe pehere pototi cahmeaja mari apeye mari paḡh̄p̄h̄ ijie ȳh̄d̄oro. ²³ Sa yena mari paḡh̄p̄h̄ ijiyere “Ihyo ijie ijire”, mari ni t̄h̄hotuepenata tire mari paḡh̄p̄h̄ ijie cahmeaja mari, mari quehnoano ijiato saha. Sa yena apeye mari paḡh̄p̄h̄ ijie mari b̄h̄e tiyere suhti mehna n̄hoaja mari. ²⁴ Apeye mari paḡh̄p̄h̄ ijie n̄hoedaja mari. Ti p̄uritare ihñona, b̄h̄e tieraja. Ohõ saha iji dutiahye Cohãcjũ mari paḡh̄ure. Mari ihñoeñene mari paḡh̄p̄h̄ ijie mari quehnoano ño peoye mehna c̄hoaja. Sata ye dutiahye Cohãcjũ. ²⁵ Sa ye mari paḡh̄p̄h̄ ijie ti basi cahme yedohore. ²⁶ Sa ye mari caperi ñano ȳh̄d̄ugũ apeye mari paḡh̄p̄h̄ ijie ḡh̄h̄ ñano ȳh̄d̄ure. Sa ye mari caperi quehnoañe wahagũ mari paḡh̄p̄h̄ ijie ḡh̄h̄

quehnoano tãhoture.

27 Sa yegũ ohõ saha nigũ niaja m̃sare: M̃sa pehe Cristo pagũ yero saha ihcã curuata ijire. Sa yena ijipihtina m̃sa tiqũiro pagũpũ ijiye yero saha tiqũiro yequina ijire. 28 Sa yero Jesu yequinare mari yedohoatire cũahye Cohãcjũ marine. Ohõ saha cũahye tiqũiro marine. Ihquẽquinare marine buhe dutiro Jesu cũ m̃htarinare cũahye tiqũiro. Apequinare tiqũiro yere yahu m̃htariquinare cũahye. Apequinare masare buheatiquinare, apequinare Cohãcjũ tutuaye mehna yeatiquinare, apequinare dohatiequinare yãhd̃oatiquinare, apequinare masare yedohoatiquinare, apequinare masa p̃htoa ijiatiquinare, apequinare tãhomehneñe yahuducuyere yahuducuatiquinare cũahye Cohãcjũ marine. 29 Sa tiqũiro cũgũ ijipihtina ihcãno saha tiqũiro cũrina ijieraja mari. Apequina Cohãcjũ buhe dutiro tiqũiro cũriquina ijierare. Sa yena apequina Cohãcjũ yere yahu m̃htarina ijieraja mari. Sa yena apequina masare buhena ijieraja mari. Sa yena apequina Cohãcjũ tutuaye mehna yeatina ijieraja mari. 30 Sa ye apequina dohatiequinare yãhd̃oatiquina ijierare. Sa yena apequina tãhomehneñe yahuducuyere yahuducuna ijieraja mari. Sa yena apequina tãhomehneñe yahuducuyere yahu yãhd̃oana ijieraja mari. Sa yero maripe mari yeatire cũahye tiqũiro. 31 Sa yena Cohãcjũ yere ye masi duana quehnoa yãhd̃aye pehere tutuaro cahmeña m̃sa. Sa yegũ ijipihtiye yãhũ nidi yãhd̃oro m̃sa cahmeatire yojorẽre yahutja m̃sare yãhũ.

13

Apequinare quehnoano tiquina cahĩtire yahuahye Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahĩdana, dũhseanaja ijieraja mari. Sa ye mari yahuducuye gũhũ dũhseati ijierare. Sa yena apequinare cahĩdana mari yahuducuna, ihyo waro yahuducuna niaja.

² Cohãcjũ yere quehnoano yahu masiepenata, masa tiquina masiedarire Cohãcjũ yere tiquina buheri gũhũre masi pehoepenata apequinare cahĩdana dũhseanaja ijieraja mari. “Ahdũ canũ ape siepũ wahaahro”, mari nigũ “Potota mari nidiro sahata Cohãcjũ yerota”, ni mari tũhotugũ sata yerota. Cohãcjũre sa ni tũhotuyequina ijiepenata apequinare cahĩdana ne dũhseanaja ijieraja mari. ³ Ijipihtiyere pejecũoyequinare mari ohoepẽgũta apequinare mari cahĩdagũ ti mari ohori dũhseati ijierare. Sa yena Cohãcjũ yere yena tana mari pagũre mari ujuũ mũo dutiepegũta apequinare mari cahĩdagũ ti mari sa yeye dũhseati ijierare.

⁴ Usueraja apequinare cahĩna. Tiquinare cahĩna quehnoano yeaja tiquinare. Sa yena apequinare cahĩna tiquinare coeraja. Sa yena mari cahĩniquiro mehna ijina “Mũhũ yũhdũoro ijigũ ijiaja”, niedaja mari. ⁵ Apequinare cahĩna “Mũsare masi yũhdũdũcaja”, niedaja mari tiquinare. Sa yena apequinare cahĩna tiquinare ño peoro mehna yeaja mari. Apequinare cahĩna “Usã cahmeno saha yeaja. Mũsa cahmeno saha

yeraja”, niedaja mari. Sa yena tiquinare cahña duita usueraja mari tiquina mehna. Sa yena apequinare cahña marine ñano tiquina yegũ gũhure tiquina mehna sa usuaducueraja mari. ⁶ Apequinare cahña ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueaja. ⁷ Apequinare cahña tiquina ye buhiri ñano yuhdæpenata tiquinare sa cahĩducujaja mari. Apequinare cahña apequina pehe mari cahĩnequinare tiquina yahu wajagũ tũhoopenata tire tũho dueraja. Mari cahĩnequinare apequina yahugũ quehnoañe dihitare tũho duaja mari. Apequinare cahña “Tiquina ñañene yesi”, ni tũhotuaja mari tiquinare. Apequinare cahña ñano yuhdæpenata tiquinare cahĩ duhusi mari.

⁸ Ti cahme cahĩne ne pihtisi. Cohãcjũ yere yahuye pehe came pihtia waharota. Tũhomehneñe yahuducuye gũhũ came pihtia waharota. Cohãcjũ yere masa tiquina buheri gũhũ came pihtia waharota. Apequinare cahme cahĩne pehe ne pihtisi. ⁹ Yojopure Cohãcjũ yere mari masi peho masiedaja. Sa yena tiquiro yere yahuna mari yahu peho masiedaja. Mari masi pehoati dũhsare. ¹⁰ Sa yena Cristo ñañe marieniquiro tiquiro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

¹¹ Mari masi pehoati ohõ saha ijire: Nijigũ ijigũ nijinogã yero saha yahuducumi yũhũ. Sa yegũ nijinogã yero saha tũhotumi. Sa yegũ bũcũ wahagũ nijinogã tiquiro yeriro saha duhu cãhũ. Sata mari yojopure “Masi pehoeraja”, niepenata camepure masi pehonata. ¹² Eõno quehnoano wũhdoa ba-

juero saha yojopure quehnoano masi pehoerani-
 aja mari. Came apequirore quehnoano mari ihña
 masino saha mari masi pehonata. Yojopure mari
 masi pehoati marine dñhsare. Cohãcjũ marine
 tiquiro quehnoano masi pehoriro saha came mari
 gũhũ quehnoano masi pehonata. ¹³ Sa ye ihtiarore
 mari ye masiaja yojopure. Cohãcjũre wacũ tu-
 tua masiaja. Sa yena marine tiquiro yñhdñoatire
 masina, mari quehnoano cohte masiaja. Sa yena
 apequinare cahme cahĩ masiaja. Ahri ihtiaro ijire
 pototi mari yeati. Sa yena apequinare cahme
 cahña, ahri pñaro yñhdñoro yena niaja. Wacũ tu-
 tuaye, tiquiro yñhdñoatire cohteyey yñhdñoro ijire
 cahme cahñe pehe.

14

Tñhomehneñe yahuducuyere yahuahye Pablo

¹ Sa yena apequinare cahme cahña mñsa. Sa
 ye Cohãcjũ yere mñsa quehnoano ye masiatire
 cahmeña mñsa. Cohãcjũ yere mñsa yahuatì
 pñritare tutuaro cahmeña mñsa. ² Tñhomehneñe
 yahuducuyere yahuducuriquiro Cohãcjũ mehna
 dihita yahuducure. Sa ni yahuducuro masa
 mehna yahuducuro niedare tiquiro. Tiquiro sa
 ni yahuducugũ tñhoye masa pehe ne tñhoerare
 tiquirore. Masa tiquina masiedarire Espiritu
 Santo tutuaye mehna yahuducuro nine tiquiro.
³ Cohãcjũ yere yahuriquiro pehe masa pehere
 yahure. Sa yahuro tiquiro masare yedohoro
 nine. Sa yero tiquinare buhero nine tiquiro.
 Sa yero tiquina ñano yñhdñgũ tiquinare bucuẽgũ

yere. ⁴ T_uhomehneñe yahuducuyere yahuducuriquiroy ihcãquiroyta buhere. Apequinare buherare. Cohãcjũ yere yahuriquiroy pehe apequinare Jesu yequinare buhero, yedohore tiquiroy.

⁵ T_uhomehneñe yahuducuyere ijipihtina m_usa yahuducugũ quehnoaboaga, y_uh_u t_uhotugũ. Sa ijiepegũta Cohãcjũ yere m_usa yahugũ pũritare tutuaro cahmeaja. Cohãcjũ yere yahuriquiroy pehe t_uhomehneñe yahuducuyere yahuducuriquiroy y_uhd_uoro apequinare yedohore. Sa ijiepegũta t_uhomehneñene yahuducuriquiroy tiquiroy yahuducuyere apequiroy yahu y_uhd_uogũ tiquina pehe pototi apequinare yedohore. Tiquiroy yahuducuyere yahu y_uhd_uoriquiroy ijiro tiquiroy pehe apequinare Jesu yequinare buhero nine.

⁶ T_uhomehneñe yahuducuyere m_usa mehna y_uh_u yahuducug_u, apequiroy m_usare tiquiroy yahu y_uhd_uoeragũ m_usare yedohoeraboaga y_uh_u. Sa yeg_u Cohãcjũ y_uh_uare tiquiroy yahurire yahug_u, tiquiroy yere y_uh_u masiñene yahug_u, apeyere tiquiroy yere yahug_u m_usare yedohog_u niaja. Tire m_usa t_uhoatire m_usare buheg_u m_usare quehnoano yedohog_u niaja y_uh_u.

⁷ T_uhomehneñene yahuducuriquiroy tiquiroy yahuducuye basa wamoayero saha ijire. Carisure putina, arpare b_ua p_ut_uẽna tire mari queoro yeragũ ti basayere apequinare masino basioerare. ⁸ Sa yero cornetare putiriquiroy surarayero ijiro tiquina cahme wejẽato panore queoro tiquiroy putieragũ apequina surarayero pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina.

⁹ Sata m_usa gũh_u t_uhomehneñe yahuducuyere

musa yahuducugũ tũhoye, yahu yũhdũoriquiro mariedagũ apequina tire ne masisi. Tiquina sa masiedagũ musa yahuducuye dũhseati ijierare. ¹⁰ Ahri yehpapũ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tũhore. ¹¹ Ihcãquiro ye yahuducuyere yũhũ tũhoeragũ ihũano tire yahuducuriquiro pehe “Ape dihta cĩũno ijire”, ni tũhoturota yũhũre. Sa yegũ yũhũ gũhũ sata ni tũhotutja tiquirore. ¹² Sata ijiri musa gũhũ tũhomehneñene yahuducuna. Espĩritu Santo tiquiro tutuaye mehna tutuaro ye duamene musa. Tiquiro tutuaye mehna sa ye duana apequina Jesu yequinare musa buheatire tiquinare musa yedohoatire tutuaro cahmeña musa.

¹³ Sa yero tũhomehneñene yahuducuriquiro tiquiro yahuducurire tiquiro quehnoano yahu yũhdũoatire Cohãcjũre siniahdo tiquiro. ¹⁴ Tũhomehneñe yahuducuye mehna Cohãcjũre sinigũ yũhũ tũhotuye mehna sinigũ niaja. Sa sinigũ yũhũ tũhotuyere apequinare quehnoano yahueraja. Sa yegũ apequinare yedohoeraja yũhũ.

¹⁵ Ahrire masina, ohõ saha yenata mari: Espĩritu Santo tutuaye mehna tũhomehneñe yahuducuye mehna Cohãcjũre sininata. Sa yena ape decopũ quehnoano masi tũhotu, apequina tiquina quehnoano tũhoatire tiquina ye mehna Cohãcjũre sinina, ti gũhũre sininata tja. Espĩritu Santo tutuaye mehna tũhomehneñe yahuducuye mehna Cohãcjũ yere basanata. Sa yena ape deco quehnoano masi tũhotu, apequina tiquina quehnoano tũhoatire tiquina ye mehna Cohãcjũ yere basana, ti gũhũre basanata tja.

¹⁶ Mari sa yeragũ tũhomehneñe yahuducuye mehna Espiritu Santo tutuaye mehna Cohãcjũre “Quehnoariquiro, tutuariquiro ijire”, mari niepegũta apequina pehe ne tũhoerare. Sa tũhoeraye “Poto ijire”, ni masiedare. ¹⁷ Tũhomehneñe yahuducuye mehna Cohãcjũre “Quehnoare”, ni masiaja mari. Mari sa niñe quehnoañe ijiepegũta tire yahu yũhdũoerana apequinare buheraja mari. Sa yena tiquinare yedohoeraja mari. ¹⁸ Ijipihtina mũsa yũhdũoro yũhũ pehe tũhomehneñene yahuducuaaja. Sa yegũ Cohãcjũ yũhare sa yahuducu masigũ tiquiro yegũ tiquiore “Quehnoare”, niaja yũhũ. ¹⁹ Sa yahuducugũ yũhũ ijiepegũta Jesu yequina cahmecoañequina watoa yũhũ ijigũ, tũhomehneñe yahuducuye mehna peye yũhũ yahuepegũta dũhseati ijierare. Ti yũhdũoro masa tiquina quehnoano tũhoati pehe meheñegã yũhũ yahuepegũta quehnoarĩne, yũhũ tũhotugũ.

²⁰ Yũhũ acaye, macanagã tũho masieñequinagã tiquina ijiro saha ijieracãhña mũsa. Sa yena coã bajuayequina ñañe yeyere tiquina masieno saha ijiya mũsa gũhũ. Sa yena bũcũna tũho masiñequina tiquina ijiro saha ijiya mũsa. ²¹ Cohãcjũ yere tiquina ojoari pũpũ ohõ saha nine: “ Tũhomehneñene yahuducuyequinare ahriquina masare yeere yahu dutiitja. Sa yegũ ape dihta cjẽnare yeere yahu dutiitja ahriquina masare. Yũhũ sa yahu dutiepegũta ahriquina yũhũ yahuyere tũhosi’, nine Cohãcjũ mari pũhtoro”, nine Cohãcjũ yere tiquina ojoari pũpũ. ²² Sa ye tũhomehneñene yahuducuye Jesu yequinare Cohãcjũ tutuayere masigũ yeati ijierare. Ti

yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

²³ Sa ye ijipihtina m̄sa Jesu yequina cahme-coagũ t̄homehneñene m̄sa yahuducugũ tire masieñequina, apequina Jesure cahmeeñequina gũhu sajà, t̄hoboaga. Sa t̄hoye “Tiquina t̄ho masieñequina ijire”, niboaga m̄sare tiquina.

²⁴ Ijipihtina m̄sa Cohãcjũ yere m̄sa yahugũ p̄rita tire masiedariquiro, Jesure cahmedariquiro sajà d̄uca t̄horo, tiquiro ñaño yerire masiboaga tiquiro. Sa yero tiquiro ñaño yerire b̄j̄ua witiboaga tiquiro. ²⁵ Sa yero poto tiquiro ijiye tiyere tiquiro t̄hotuye gũhare masiboaga tiquiro. Sa yero Cohãcjũ poto d̄usepe curi mehna quehe saro, tiquirore ño peorota. Sa yero “Cohãcjũ potota m̄sa mehna ijire”, ninota tiquiro m̄sare.

M̄sa cahmecoana quehnoano yeya dojomehnenno marieno

²⁶ Sa yeḡu ȳhu acaye, m̄sare ahrire niḡu niaja: Cahmecoana ihquẽquina m̄sa mehna cj̄ena Cohãcjũ yere basa duare. Sa yena apequina buhe duare. Sa yena apequina Cohãcjũ m̄sare tiquiro buherire yahu duare m̄sa. Sa yena apequina t̄homehneñe mehna yahuducu duare m̄sa. Sa yena m̄sa apequina ti yahuducuyere yahu ȳhd̄o duare m̄sa. Ti ijipih̄tiyere sa yena apequina m̄sare t̄hoyequina tiquina quehnoano masiatire tire yeya.

27 Sa yena t̄homehneñe mehna m̄sa yahuducuna p̄ana, ihtiana topenata yahuducuya m̄sa. Sa yena camesa yahuducuya. M̄sa sa yahuducuḡã, ihc̄aquiroy m̄sa mehna c̄ãno m̄sa yahuducurire apequinare yahu ȳhd̄oahro. 28 M̄sa yahuducuyere yahu ȳhd̄oriquiro mariedaḡã m̄sa cahmecoana ijipihntina m̄sa t̄homehneñene yahuducu duana yahuducueracãh̄ã. Sa yena masa marienop̄ Cohãcj̄ mehna yahuducuya m̄sa. 29 Sa yena Cohãcj̄ yere yahu duana p̄ana, ihtiana topenata yahuya m̄sa. M̄sa sa yahuḡã apequina m̄sare t̄hoyequina m̄sa yahurire quehnoano t̄ho n̄n̄ahdo. 30 Sa yero Esp̄ritu Santo Cohãcj̄ yere apequiroye top̄ dujiriquiroye yahu d̄caboaga. Tiquiro yahu d̄caḡã tiquiroye t̄horiquiro ḡãhu Jesu yequinare yahu duaboaga. Sa yero tiquiro pano yahuriquiro pehe dihta mariahdo. 31 Sa yena ijipihntina m̄sa Cohãcj̄ yere yahuna, camesa yahuya m̄sa ijipihntiyequina apequina tiquina quehnoano t̄hoatire, tiquina quehnoano bucueatire. 32 Sa yena Cohãcj̄ yere yahuna ijina, quehnoano t̄ho masi, quehnoano t̄hotu yahuducuya.

33 Cohãcj̄ tiquiro yequina tiquina cahmecoanop̄ tiquina cahme yahuducuḡã, suhriḡã cahmedare tiquiro. Dojomehneno marieno tiquina quehnoano ijiḡã cahmene tiquiro. Ijipihntirop̄ Jesu yequina cahmecoa, oh̄o saha yere tiquina. 34 Tiquina cahmecoanop̄ numiare yahuducu dutierare. Tiquina numiare mari pehe yahuducu dutieraja. Cohãcj̄ ojoari p̄p̄ tiquiro nidiro sahata numiare

umare quehnoano yah̄tiyequina numia ijiro cahmene. Sa ye cahmecoanop̄m numia masare yahuducueracãhdo. ³⁵ Jesu yequina tiquina cahmecoanop̄m numia tiquina yahuducugũ ñarĩne. Sa yero apee borore masi duaro numino ticoro ya wuh̄p̄uta ticoro man̄nore sinituahro.

³⁶ Ahri yah̄m yahuatire quehnoano masiña m̄sa. Cohãcjũ yere yahu m̄htana ijierare m̄sa. Sa yena tiq̄iro yere t̄horina m̄sa dihita ijierare. Apequina ḡh̄m tiq̄iro ye buheyere c̄ore. ³⁷ M̄sa mehna cj̄ano “Yah̄m Cohãcjũ yere yahuḡm ijiaja”, ni t̄hoturiq̄iro ijiro ahri m̄sare yah̄m ojoari Cohãcjũ dutiye ijigũ masiahdo tiq̄iro. Sa yero apeq̄iro “Esp̄ritu Santo tutuaye mehna ye masiaja”, ni t̄hoturiq̄iro ijiro tiq̄iro ḡh̄m ahri yah̄m ojoari Cohãcjũ dutiye ijigũ masiahdo tiq̄iro. ³⁸ Tire tiq̄iro masi dueragũ yah̄m ojoarire “Poto ijierare”, tiq̄iro nigũ tiq̄irore duhu cãhña. T̄hoeracãhña tiq̄irore.

³⁹ Sa yena yah̄m acaye, Cohãcjũ yere yahuna m̄sa ijiatire tutuaro cahmeña m̄sa. Sa yena m̄sa mehna cj̄ena m̄sa cahmecoanop̄m t̄homehneñe yahuducuye mehna tiquina yahu duagũ “Sa yahuducueracãhña”, niedacãhña tiquinare. ⁴⁰ Sa cahmecoana quehnoano, cahme dojomehnenno marieno yeya m̄sa.

15

Quehnoañe buheyere tiq̄iro yahurire yahuahye Pablo

¹ Yojop̄are yah̄m acaye, quehnoañe buheyere m̄sare yah̄m yahurire m̄sare wacũgũ ye duaja.

Ti buheyere quehnoano cahmene m̄sa. Sa cahmena ti buheyere ne cohãedare m̄sa. ² M̄sa sa cahmegũ tire m̄sa cohãedagũ Cristo m̄sare pecap̄wahaborinare ȳhd̄u tuhasari. M̄sa sa t̄hori bato Cristo yere m̄sa duhu cãgũ ti m̄sa t̄hori d̄hseati ijierare.

³ Ohõ saha ni yahu m̄htāt̄ja m̄sare. Ahri ihyo waro ijierare. M̄sare buhegũ ȳh̄are Cristo tiq̄iro yahurire m̄sare ohõ saha ni yahuu: Cohãcjũ yere tiquina ojoariro sahata mari ñañe buhirire Cristo yariahye. ⁴ Sa yero Cohãcjũ yere tiquina ojoariro sahata Cristo tiq̄iro yariari bato apequina tiq̄irore tiquina yagũ ihtia deco wahaboro tiq̄iro pehe masa wijiahye. ⁵ Tiq̄iro sa masa wijari bato Pedrore bajuahye. Tiq̄iro sa bajuari bato apequinare tiq̄iro buheyequinare bajuahye t̄ja. ⁶ Tiq̄iro sa bajuari bato ihcã tahata quinientos bui ijiyequinare tiq̄iro yequinare bajuahye t̄ja. Ihquẽquina tiq̄irore ihñariquina m̄na yojop̄re yariariquina m̄na ijire. Tiquina sa ijipegũta peyequina tiquina mehna cjẽna yojop̄re ijinine. ⁷ Came Cristo Santiagore bajuahye t̄ja. Sa tiq̄iro bajuari bato ijipihtiyequina buhe duti tiq̄iro c̄riquinare bajuahye t̄ja.

⁸ Ijipihtiyequina apequinare tiq̄iro bajuari bato ȳh̄ gũh̄are bajuari t̄ja. Nijinogã queoro masa bajueriquirogã tiq̄iro masa bajua n̄n̄ tãriro saha ȳh̄ gũh̄ Jesure wacũ tutua n̄n̄ tãrigũ ijiaja. Ȳh̄ sa ijirigũ ijigũ tiquina batop̄ bajuari Jesu ȳh̄ gũh̄are t̄ja. Ȳh̄reta tiq̄iro bajua bato tiri. ⁹ Panop̄re Jesu yequinare ñano yemi. Sa yerigũ ijigũ apequina Jesu c̄riquina ijipihtiyequina tiquina docap̄ waro ijiaja ȳh̄.

Sa yegũ yojopũ gãhũre Jesu buhe duti tiquiro cĩnohborigũ ijierami yũhũ. ¹⁰ Sa ijiepegũta Cohãcjũ yũhũre cahĩgũ yojopũre Jesu cũrigũ ijiaja yũhũ. Sa yegũ yũhũre tiquiro cahĩgũ yojopũre tiquiro cahmeñene ye pehoaja. Sa yegũ yũhũre cahĩgũ tiquiro yaquiro sa iji cãgũ niedaja. Ijipihtiyequina apequina tiquiro cũriquina yũhdũoro yũhũ pehe tutuaro buhei. Sa buhegũ yũhũ esa tuharo buherũ. Cohãcjũ yũhũre cahĩno yũhũre yedohori. ¹¹ Æsã buheye pehe ihyo waro ijierare. Yũhũ mũsare quehnoañe buheyere buherigũ yũhũ ijigũ apequina yũhdũoro yũhũre mũsa ño peogũ ihyo waro ijiro nine. Tiquina gãhũ mũsare buheyequina ijigũ apequina yũhdũoro tiquina gãhũre mũsa ño peogũ ihyo waro ijiro nine. Æsã pehe ahrire buhena ijiepenata ihyo ijina ijiaja. Æsã buheye pehe ihyo waro ijierare. Sa yena mũsa pehe ahri buheyere quehnoano tãhore.

Yariariquina mũna tiquina masa wijiarire yahuahye Pablo

¹² Cristo yariari bato tiquiro masa wijiarire ãsã buhepegũta “Yariariquina mũna ne masa wijiaerare”, nine mũsa mehna cjẽna ihquẽquina. ¿Dũhse ijiro boro sa niajari tiquina tire? ¹³ Sa yero yariariquina mũna masa wijiaeragũ Cristo gãhũ ne masa wijiaeraboya. ¹⁴ Sa ye Cristo masa wijiaeragũ quehnoañe buheyere ãsã yahuri ne dũhseati ijieraboya. Tiquiro masa wijiaeragũ tiquirore mũsa wacũ tutuaye gãhũ dũhseati ijieraboya. ¹⁵ Masa wijiaro mariedagũ ãsã pehe Cohãcjũ yere ni mehona niboya. Yariariquina

muna tiquina masa wijiaeragũ Cohãcjũ pehe Cristore masa wijiaeragũ yeraboya. Tiquiro sa yeragũ “Cohãcjũ Cristore masa wijiaeragũ yeahye”, nina ni mehona ijiboaga usã. ¹⁶ Yariariquina munare Cohãcjũ masoedaro, Cristo gũhure tiquiro masoedaboya. ¹⁷ Sa yero Cristo masa wijiaeragũ tiquirore m̄sa wacũ tutuaye d̄hseati ijieraboaga. Sa yena m̄sa ñañe buhiri, buhiri tiboaga m̄sa. ¹⁸ Masa wijiaro mariedagũ Cristo yequina muna yaria m̄htariquina pecap̄ waha tuhasaboya. ¹⁹ Cristore mari wacũ tutuari bato mari yariana masa wijia masiedana ijipihtiequina apequina masa ȳhd̄oro pejec̄ona ijiboaga mari pehe. Sa yena tiquirore ihyo warota wacũ tutuana niboaga mari.

²⁰ Potota Cohãcjũ Cristore masa wijiaeragũ yeahye. Cristo masa wijiaro bato mari gũh̄u yarianap̄ masa wijianata ijiaja. Tiquiro sa masa wijiaro, marine siho masa wijia m̄htariquiro ijire. ²¹ Ohõ saha ijire ahri: Adán mehna masa yaria d̄cahye. Ohõ saha apequiro mehna yariariquina muna masa wijiaeta. ²² Adán yequina iji n̄n̄n̄ tãnap̄ mari ijipihtina yarianata. Sata Cristo yequina mari ijigũ mari yariari bato marine masa wijiaeragũ yerota Cohãcjũ. ²³ Ihquẽ cururi masare tiquina queori p̄je ijigũ masa wijiaeta. Cristo marine iji m̄htariquiro masa wijia m̄htahye. Came ahri yehpap̄ tiquiro tojoa tagũ tiquiro yequina gũh̄u masa wijiaeta. ²⁴ Ti p̄jeta pihtiri deco ijirota. Sa yero ijipihtiequina wat̄are, wat̄a p̄htoare, tutuayequinare cohãno, Cristo ȳhd̄ud̄carota. Tiquiro sa yeri bato ijipihtiequina p̄htoro tiquiro ijirire Cristo

wijiario, Cohãcjüre mari Pacure comesarota. ²⁵ Tiquiro wijiato pano mari Pacu Cristore ihña tuhtiyequinare tiquiro yãhdũdũca pehoato pano Cristo pũrita ijipihtiyequina pũhoro ijirota. Sa ijiriquirota ijiro cahmene tiquirore. ²⁶ Tiquirore ihña tuhtiyequinare tiquiro yãhdũdũcari bato, yariamedi gãhũre cohã cãnota. Yariaye pihtia waharota. ²⁷ Ijipihtiyequina bui dutiatiquirore cũahye Cohãcjũ Cristore. Ijipihtiyere cũoriquiro gãhũre cũahye tiquirore. Sata nine Cohãcjũ yere tiquina ojoari pũpũ. Cohãcjũ pehe tiquirore cũriquiro ijire. Sa yero “Ijipihtiyequina bui dutiatiquirore cũahye tiquirore”, nino, “Cohãcjũ bui dutiriquiro ijire tiquiro”, nino niedahye tiquiro yere tiquina ojoari pũpũ. ²⁸ Ijipihtiyequina bui dutiriquiro Cristo Cohãcjũ macũno ijigũ Cohãcjũ tiquirore cũriquiro pehe tiquiro macũno bui dutiriquiro ijirota. Sa yero Cohãcjũ pehe ijipihtiyequina pũhoro waro ijire. Ijipihtiyere cũoriquiro gãhũ ijire.

²⁹ ¿Masa wijiario mariedagũ dũhse ye apequina masa yariariquina mũna ye ijiatire tiquina wame yenohriquina ijiajari? Yariariquina mũna masa wijiaeragũ tiquina ye ijiatire apequina wame yegũ ihyo warota wame yenohriquina ijiboaya.

³⁰ Ŭsã pehe Ŭsã buheri buhiri decoripe apequina Ŭsãre tiquina ñano ye duagũ cuarĩne Ŭsã gãhũre. Ŭsãre sa cuaepẽgũta masa wijiario ijigũ masina sa buheducuaaja Ŭsã. ³¹ Mari pũhoro Jesucristo yequina mũsa ijigũ tiquirore wacũ tutua nemonã mũsa wahagũ yãhũ pehe tutuaro bucueaja yãhũ mũsa mehna. Ti ijirota ijire. Sa yero “Dũhse ijiri decopũ yãhũre yariario cuarĩne”, yãhũ nigũ

ti gũhũ ijirota ijire. ³² Efeso cjēna usuayequina quehnoañe buheyere yũhũ buheri buhiri yũhũre quēdi. Masa wijiaro mariedagũ Jesu yaquiro yũhũ ijieragũ, yũhũ sa ñano yũhdũri dũhseati ijieraboya. Ihyo waro ñano yũhdũgũ niboya yũhũ. Yariariquina mũna tiquina masa wijiaeragũ ohõ saha niboaga mari: “Came cjũnogã yarianata. Dũhse wahasi mari. Sa yena ihya sihniihna. Mari esa tuharo yeihna”, niboaga mari.

³³ Ni mehoñene tũhotueracãhña mũsa. “Ñañequinare piti tina, quehnoañe mũsa yerire bonata mũsa”, nine masa. Ti ijirota ijire.

³⁴ Quehnoañene tũhotuna ijiya mũsa. Sa yena quehnoañene yena ijiya tja. Sa yena ñañene ye nemoedacãhña tja. Ihquēquina mũsa mehna cjēna ne Cohãcjũre masiedare. Mũsa buoro wahati pehere mũsare sa niaja.

Yariariquina mũna tiquina masa wijiarore yahu nemoahye Pablo

³⁵ Sa ye mũsa mehna cjũno ohõ saha ni sinituboaga yũhũre: ¿Dũhse yariariquina mũna masa wijiaetari? ¿Dũhse ijiye pagũri masa wijiaetari? ni sinituboaga. ³⁶ Sa sinituriquiro tũho masieniquiro ijire. Oteri pjere mari oteri bato ti pje ahbagũ waro pihnine. Ahbaeraro ne pihni. Tire masine mũsa. ³⁷ Bũjũye cjũpũre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. ³⁸ Ti pjerire mari oteri bato Cohãcjũ tiquiro cahmediro saha ti pjerire bucuã mũjagũ yere. Sa yero oteye pjerire bũjũye pihnigũ yere tiquiro. Sata pihni dutire Cohãcjũ.

³⁹ Ijipihtiyequina paguri ihcãno saha bajuerare. Masa paguri pehe ihcãno saha ijire. Wahiquina paguri gũhũ sijoro saha bajure. Minicjũa paguri gũhũ sijoro saha bajure. Sa yeye wahi gũhũ sijoro saha pagũ tire. ⁴⁰ Sa ye uhmũse cjẽ gũhũ sijoro saha bajure. Sa yeye ahri yehpa cjẽna gũhũ sijoro saha pagũ tire. Sa yeye uhmũse cjẽna paguri gũhũ sijoro saha bajure. Sa yeye ahri yehpa cjẽ uhmũse cjẽ yero saha ijierare. ⁴¹ Ohõ saha ijire. Asũ deco cjũno asi sitere. Sa ye ñami cjũno gũhũ sijoro saha ijire tiquiro gũhũ. Ihyo buhriore. Sa yeye ñahpicoha gũhũ sijoro saha asi paare. Ñahpicoha pari gũhũre mari ihñagũ ihquẽ paca mehenogã asiye paca bajure. Sa yeye apeye paca tutuaro asiye paca bajure.

⁴² Ohõ saha ijire yariariquina mũna tiquina masa wijiagũ. Masũno tiquiro pagũre mari yari bato tiquiro pagũ ahbaa waharota. Sa yero ape pagũ sijoro saha ijiri pagũ ijipihtiye decori catiati pagũ masa wijiatarota. ⁴³ Ti pagũre mari yagũ yariariquiro mũnano pejecũo nine. Cohãcjũ tiquirore masogũ tiquiro pagũ quehnoa yũhdũari pagũ ijire. Sa yero tiquiro pagũ mari yari pagũ tutuaye mariedi pagũ ijire. Sa yero Cohãcjũ tiquirore masogũ tiquiro pagũ tutua yũhdũare. ⁴⁴ Ahri yehpa cjã pagũre mari yagũ yariariquiro mũnano tiquiro masa wijiagũ tiquiro pagũ uhmũse cjã pagũ ijirota. Ahri yehpa cjã pagũre mari cũona, uhmũse cjã pagũ gũhũre cũonata, masa wijiana.

⁴⁵ Sata ni yahure Cohãcjũ yere tiquina ojoari pũpũ: “Ahri yehpapũ iji mũhtariquiro Adán wame tiriquiro catiriquiro wahahye”, ni ojoahye. Ti sa

ijiepegũta Adán yero saha ijiriquiro bato tiriquireo Cristo pehe catiyere ohoro ahtahye. ⁴⁶ Ahri yehpa cjã pagũ iji mũhtari pagũ ijire. Camepũ ãhmũse cjã pagũ ijirota. ⁴⁷ Ohõ saha ijire: Iji mũhtariquireo Adán pehe ahri yehpa cjãno dihta mehna tiquireo yeri pagũre pagũ tiahye. Tiquireo bato ahtariquireo, Cristo pehe ãhmũsepũ ahtahye. ⁴⁸ Dihta mehna tiquireo yeri pagũre pagũ ti mũhtariquireo tiquireo ijiriro saha ijipihtina apequina dihta mehna tiquireo yeri pagũre pagũ tina ijiaja mari. Sa yena ãhmũsepũ ahtariquireo yero saha tiquireo yequina ijipihtina tiquireo yero saha pagũ tina ijinata mari. ⁴⁹ Dihta mehna tiquireo yeri pagũre pagũ tiriquireo yero saha bajuaja mari. Tiquireo yero saha mari ijiriro saha ãhmũse cjãno yero saha bajunata mari.

⁵⁰ Yũhũ acaye, mũsare ahrire yahu duaja: Ahri yehpa cjã pagũ dii mehna, dihi mehna ijiri pagũ Cohãcjũ pũhtoro ijirorpũre ãhmũsepũre ne wahasi. Mari pagũ ahbati pagũ ijire. Sa ye ãhmũsepũ ijipihtiyere decori mari ijiatopũre ahri pagũ wahasi. ⁵¹⁻⁵² Panopũre masa tiquina masiedarire yojopũre mũsare yahu duaja: Mari mehna cjẽna ihquẽquina yariasi. Sa ye duita, tiquina pagũre came-sayequina ijietã. Cornetare tiquireo puti, bato tiri decorpũ sata waharota marine. Ohõ saha waharota. Corneta bisiri bato yariariquina mũnare Cohãcjũ masonota ijipihtiyere decori tiquina ijiatire. Sa yena pagũre comesarina ijinata mari gũhũ. ⁵³ Mari pagũre tiquireo comesagũ to pano mari ahbati pagũri ijiepegũta mari comesari bato ne ahbasi. Sa ye mari pagũri comesagũ to pano mari yariati pagũri ijiepegũta ne yariasi. ⁵⁴ Mari

ahbati paguri ne ahbaerati pagurire comesarota. Sa ye mari yariati paguri sa ijiducuatı pagurire comesarota. Sa marine comesagũ panopũ tiquiro ojoariro sahata sa waharota: “Cohãcjũ yariayere cohã cãri. ⁵⁵ Yojopũre ne pari turi mari yiası. Sa yena yariaro mehna pari turi ñano yũhdũsi mari”, ni ojoahye panopũre. ⁵⁶ Mari ñaÑe buhiri ijigũ pũrita yariaro mehna ñano yũhdũnata. Sa ye Cohãcjũ dutiye Moısere tiquiro cũrire mari masidi bato, buhiri tiaja mari. Sa yero marine pecapũ waha dutire Cohãcjũ dutiye. ⁵⁷ Tiquiro sa dutiepegũta mari pũhtoro Jesucristo pehe marine pecapũ wahaeragũ yere. Tiquiro sa yeriquiro ijigũ masina Cohãcjũ mehna bucue, “Quehnoare”, nıaja mari.

⁵⁸ Sa yena yũhũ acaye, yũhũ cahĩna, Cristore wacũ tutua duhueracãhña. Sa yena apequina mũsare quehnoañe buheyere tiquina cohã dutigũ, ne cohãedacãhña tire. Sa yena decoripe mari pũhtoro Jesucristo tiquiro ye dutiyere quehnoano yeducuya mũsa. Mari pũhtoro Jesucristo yere mari yegũ, ahri ihyo waro ijierare. Ahrire masina tiquiro ye dutiyere quehnoano yeducuya mũsa.

16

Apequinare Jesu yequinare Corinto cjẽna niÑeru tiquina ohoatire yahuahye Pablo

¹ Yojopũre apequinare Jesu yequinare mũsa niÑeru ohoatire yahu duaja mũsare. Galacia yehpa cjẽnare Jesu yequinare yũhũ dutiro sahata mũsa gũhũ yeya. ² Semanaripe domingo ijigũ ijipihtina mũsa Jesu yequinare ohoati niÑerure mehenogã ohoya. Mehenogã cũona mehenogã

ohoya. Sa yena paji cjūnogã c̄ona paji cjūnogã ohoya. Semanaripe m̄sa sa yegũ m̄sa cahap̄m̄ ȳh̄m̄ esagũ m̄sa ohoati niñeru iji tuhasarota. ³ M̄sa ohoatire yahuye p̄rine ojoautja. Sa yegũ ȳh̄m̄ top̄m̄ esagũ ti p̄rine top̄m̄ wahatiquinare m̄sa beseriquinare ohoutja. Sa oho tuhasagũ Jesu yequinare m̄sa ohori niñerure neatiquinare ohoutja Jerusalẽp̄m̄. ⁴ Ti macap̄re ȳh̄m̄ yeati ijigũ ȳh̄m̄ ḡh̄m̄ wahagutja. Ȳh̄m̄ sa wahagũ ȳh̄m̄ mehna tiquina wahaeta.

Tiquiro tiniatire yahuahye Pablo

⁵ Macedonia yehpa cjēnare ihña ȳhdutja ȳh̄m̄. Ȳhd̄m̄ cã, m̄sa cahap̄m̄ Corintop̄m̄ esautja. ⁶ Top̄m̄ esagũ m̄sa mehna meheñe decorigã ijiboaga ȳh̄m̄ ape taha yegũ. Yoa cjūri pje pohero ijiro puno m̄sa mehna ijiboaga ȳh̄m̄. Sa yena ape sier̄m̄ ȳh̄m̄ wahagũ m̄sa ḡh̄m̄ ȳh̄m̄re yedoho masine. ⁷ Meheñe decorigã iji dueraja ȳh̄m̄ m̄sa mehna. Sa yegũ Cohãcjũ cahmegũ yoa cjūri pje m̄sa mehna ijiitja ȳh̄m̄. ⁸ Sa iji duepeḡta Pentecoste bose deco ijigũp̄m̄ Efesop̄m̄ ijiniitja ȳh̄m̄. ⁹ Ohõp̄m̄ Efesop̄m̄ yojop̄re mari p̄htoro Jesu yere t̄ho duayequina peyequina ijire. Tiquina sa ijigũ tiquinare yahuaja. Ȳh̄m̄ sa yahugũ ȳh̄m̄re ihña tuhtiyequina peyequina ijire.

¹⁰ Timoteo ȳh̄m̄ yero saha mari p̄htoro yere yere. Tiquiro sa yeriquiro ijigũ m̄sa cahap̄m̄ esagũ quehnoano mehna tiquirore piti ca, tiquiro mehna quehnoano bucueye mehna ijiya m̄sa. ¹¹ Sa yena tiquirore ȳhd̄m̄caeracãhña m̄sa. Sa yena tiquiro cohe tigũ quehnoano mehna tiquirore yedohoya ȳh̄m̄ cahap̄m̄ tiquiro tojoa

tagũ. Apequina Jesu yequina mehna usã tiquirore cohtena niaja. Sa yena quehnoano yedohoye mehna tiquirore ohoya.

¹² Apolo mari acayuro Jesu yaquiro musare ihñano wahagũ tutuaro cahmemi. Sa yegũ tiquirore waha dutimi apequina Jesu yequina mehna tiquiro wahatire. Yũhũ sa waha dutiepegũta yojopure tiquiro waha duerare. Sa yero came tiquiro yeye mariedagũ musa cahapũ waharota.

Pablo quehnoa duti bato tiahye

¹³ Quehnoano wacũ masiña musa. Cristore wacũ tutua duhueracãhña. Ne cuenata ijiducuya musa. Sa yena Cohãcjũ tutuaye mehna tutuana ijiya musa. ¹⁴ Apequinare sa cahĩducuya.

¹⁵ Yojopure yũhũ acaye musare ahrire yahu duaja: Estefana ya wũhũ cjẽna Acaya yehpa cjẽna quehnoañe buheyere tũho mũhtariquina, tiquina ya yehpapũ Cristore wacũ tutua mũhtariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire musa masine. ¹⁶ Tiquina yero saha ijiyequinare, apequina Cristo yere yedohoyequinare musa quehnoano yũhtigũ cahmeaja yũhũ. ¹⁷ Estefana, Fortunato, Acaico gũhũ yũhũ cahapũ wihi tuhasare. Ohõpũ tiquina ijigũ quehnoano bucueaja yũhũ. Musare tiquina bucuegũ yeriro saha yũhũ gũhũre bucuegũ yere tiquina. Musa mariedagũ musare tutuaro wacũmi yũhũ. Sa yegũ tiquina wihigũ bucueaja yũhũ. ¹⁸ Tiquina mehna ijigũ quehnoano jeripohna tigũ ijii yũhũ. Musa gũhũre sata bucuegũ yere tiquina, yũhũ tũhotugũ.

Tiquinare quehnoano ño peoya m̄sa. Sa yena apequina tiquina yero saha ijiyequina ḡh̄re ño peoya.

¹⁹ Asia yehpa cj̄na Jesu yequina m̄sare quehnoa dutire. Sa ye Aquila, Priscila, tiquina ya w̄h̄p̄m̄ cahmecoañequina mehna Cristo tiquiro cah̄ñe mehna m̄sare tutuaro quehnoa dutire.

²⁰ Oh̄o cj̄na Jesu yequina ijiptiyequina m̄sare quehnoa dutire. M̄sa mehna cj̄nare quehnoano mehna piti caya.

²¹ Ȳh̄m̄, Pablo ȳh̄m̄ basi ahri dihitare ojoaja. M̄sare quehnoa dutiaja.

²² Mari p̄h̄toro Jesucristore apeqiro tiquiro cah̄edaḡ, Coh̄cj̄m̄ tiquirore buhiri dahreahro. Mari p̄h̄toro sojaro mehna tojoa taahro.

²³ Mari p̄h̄toro tiquiro cah̄ñe mehna m̄sare quehnoa dutiaja. ²⁴ Mari ijiptina Jesucristo yequina ijaia. Sa yeḡm̄ m̄sare tutuaro cah̄ñaja.

Cohãcjũ Yere Yahuducuri Tju New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022
ad83cef1-6eb5-5233-a8f3-356e47bbda0d